

SIBAKA SA LUKISIZE

MULIMU SA KULAPELELA

 Ha lu inamiseňi litoho za luna fa nako nyana.

Ndate Yomunde yakwa Lihalimu, kaniti lu talima kuli le ki litohonolo fa kuba mo kacenu mwa muleneňi wa Los Angeles, mi mwahala ba, balumeli bona... baba Ketilwe baba bizizwe kuzwa mwa lifasi, bana baba shutani ba Mulimu, mwa hola tuna ye lupila ku yona ye, mwataswa tibelelo tuna ye ya kubonahala kwa Mulati wa luna, yena Mulena Jesu, ka nako ifi kaufela. Lwa itumela ku Wena ka se mwa lipilu za luna, ni ku lumela kuli Uka taha mwa lusika lwa luna. Lu Mu libelezi kacenu. Haiba Haayo fa kacenu, mi luba teňi mo kamuso, lu ka Mu libelela kamuso.

² Mulimu Yomunde, lu lapela kuli mukopano wo ube fela—fela mukopano o ipitezi. Ye cwale haibe nako yeo lu ka ba ni pi—pi piho ya zwelopili ya Keleke, ye kaba mwa Libuka za Hao mwa Kuyakuile. Fuyola kuikataza kaufela ko lubeya mwatensi, Ndate. Lu lemuha kuli lupalelwa kusina sepo Wena ha u siyo, kacwalo he lu lukela kuba ni Wena, Mulena, haiba lukona ku zwelapili. Mi halu lati taba ye kwa kanya ya luna fela. Lu bata taba ye kubela kwa kanya ya Hao. Kakuli yeo kona tato ya lipilu za luna, ili kubona Jesu ha fiwa kanya mwa sicaba sa Hae. Ili kutisira tumelo ya bani, Mulena, mwa lizazi le ndwa haise ili ye tata hahulu, lu tile mwa ancafazo ye mwahala luna, ni ancafazo, ili pumulo nyana. Lu lapela kuli U alabe lika ze kaufela ku luna, kakuli lwa kupaka Libizo la Jesu. Amen.

Ha muine.

³ Muzwale Shakarian, Kezeli Wyatt, ni kwa balikani ba Mulena luna Jesu Kreste, Ni itumela hahulu ka kolo ye ya kuba mwa Los Angeles hape, ku to kutaza ka za Jesu ya kanya yo kaufela lutezi mo ku to ituta hahulu za hae kacenu. Haiba kuikataza kwa luna...

⁴ [Yomuňwi ubulela ni Muzwale Branham kuamana ni maikulofoni—Mu.] Eeni, sha. [Hakuna manzwi fa tepu]... mufuta wo. Ye ki taba yetata nyana. Lubulele, kuli nto ye hailati ku utwana. [Babaňwi ba bulela mwa ku cunela maikulofoni.] Kihande, haina kubeleka cwalo. [Hakuna manzwi fa tepu]... Muzwale Shakarian. Cwale seo si utwahala hande.

⁵ Ni mwanana nyana, nina ni linzwi le li nyinyani, mi kono ni lwezi Liňusa lelituna kuzwa ku Mulena. Twaniso yetuna izwelela ku Satani, kuli ni si ke na Li tisa, kono lu ka fita kulo fa kupale kumane. Lu sepa kuli ye ikaba sunda yetuna ku luna kaufela.

⁶ Ne ni inzi fani inge ni nahana kuli ki linako zekai zeo Muzwale waluna yomunde yaikezi Thomas Wyatt, hakuna kukakanya, na kutalize ali ona fa katala fa, mutanga yomutuna ku Kreste.

⁷ Ne ni ziba Muzwale Wyatt. Nali fela susumezo yetuna kamita ku na hane Ni ka kopana ni yena ni kuambola ni yena. Na hupula, inge ni sali fela mukutazi wa mushimani, nako kaufela nakona... buka ya hae, yebizwa, *Mafufa A Foliso*. Na lata mukanga wani, *Mafufa A Foliso*.

⁸ Mi lutabile fa kuba mo mwa tempele ye tomezwi sebelezo ya Kreste. Mulimu afuyole mbelwa wa hae, ni mina sicaba kaufela baba... Luli, Na ziba mwa mu tonda, hamoho cwalo. Ne ni mbwinjize tukiso ya hae, ha Ni utwa kuli na sa ile. Ne ni ka tabelia ku utwa linzwi la hae. Na ya inza supala nyana, kono na sa lwezi linzwi leli ttitle, mi—mi nana ni liñusa kuzwa ku Mulimu. Mi bupilo bwa hae bu sa pila ku mina sicaba. Mi mwa masimu a tumo kwa na lumile likwata zani kaufela, ni zeñwi cwalo, Evangel i sa zwelapili bakeñisa Thomas Wyatt. Mi moyo wa hae u pumule mwa kozo kufitela nako ye lu mu katanyenza mwa Naha ye kanya yani ko kusina lifu kamba busupali. Luteni mo kuli lu zwelepili cwale kufitela nako ya luna i bizwa kamba zuho yetuna foo Jesu ha taha ku to lunga kaufela luna.

⁹ Cwale Ni ziba kuli muna ni sebelezo kwanu, Na sepa, busihu boo. Mi Ni bulelezwi, mizuzu nyana yefitile, kuli—kuli muna ni sebelezo kwanu busihu bwa kacenu, kacwalo Ni akufe kapili mo ku konahalela.

¹⁰ Kakuli, Nina ni la Mubulo busihu, la Bubeli busihu, la Bulalu busihu, ni zeñwi cwalo, biki ye, kacwalo Ni sepa kuli Mulena uka lu fuyola. Lu ka lapelela bakuli. Lu ka kutaza Kreste, haiba Uka lata, haiba ki tato ya Hae, mwa mata kaufela a zuho ya Hae kuli Uka lu lumeleza kueza cwalo. Mi kaufela Sa lu fa kueza, kuli ki se lu tabela kueza ka sesili mwa lipilu zaluna kaufela. Mi Ni—Ni ziba kuli Uka lu fuyola haiba lu ka Mu lumela fela.

¹¹ Mi cwale lu si ka apula fela Linzwi, ku Li bala, Ni bata kuambola ku Yena hape, halunze luinamisa litoho zaluna ni kukuza cwale, ni kusepa kuli kulyangana ku felile. Lwa lemuha, Bakreste kaufela ba ziba, kuli sila, sila sa luna, sibeleka kwa maneku kaufela. Kono, mwabona, lika ze cwalo ha li ezahala, mu kuze fela. Mulimu wa ziba zeo lili zona. Mwabona, muine fela mukuzize, hakulata U sweli kueza sika so sa zibi zeñwi cwale. Ha lu amboleñi ku Yena.

¹² Ndate, lu lapela cwale kuli Ulu kuziseze liwate, Mulena Jesu yamata kaufela atahe inza zamaya fa Linzwi la Hae cwale, kuzibahalisa ku luna, mwa kalulo yenca, ni mata a Hae ni liponahazo. Lwa kupa se, halunze lu bala Linzwi la Hae, ha Li fe bupilo kwa lipilu za luna kacenu, kuli lukone ku Mu ziba, mwa mata a zuho ya Hae. Kakuli lwa likupa ka Libizo la Jesu. Amen.

¹³ Cwale haiba muka apula mwa Buka ya Deuteronomia. Ni bata kubala timana, kamba zepeli, kuzwa mwa Buka ya Deuteronomia, kauhanyo ya 16 ya Deuteronomia.

U mamele kweli ya Abibi, ye talusa kuli Lungu, ni ku ezeza MULENA Mulimu wa hao paseka: kakuli mwa kweli ya Abibi MULENA Mulimu wa hao...kona nako ya ku zwisize mwa naha ya Egepita busihu.

U ka bulayela MULENA Mulimu wa hao paseka, u mu bulayele kwa likomu ni lingu za hao, mwa sibaka sa ka beya MULENA... (muni swalele)... mwa sibaka sa ka keta MULENA ku beya libizo la hae ku sona.

Usike wa ca mahobe a sina mumela; ka mazazi a sebene u ce mahobe asina mumela, ki kuli mahobe a maswabi; kakuli u zwile mwa naha ya Egepita ka putako: ...u hupule lizazi lo no zwile... mwa naha ya Egepita ka mazazi kaufela a bupilo bwa hao.

Mi hakuna kuba mahobe a beilwe mumela ku wena, likamba kaufela, mazazi a hao kaufela a sebene; haili nama ya sitabelo so eza, nihaiba... nama ya sitabelo so eza lizazi la pili, nako ya manzibwana, kusike kwa siyala sesiñwi sa yona kuisa kakusasana.

Usike wa eza sitabelo sa paseka ku ufi ni ufi wa minzi... ya hao ya ka kufa MULENA:

Kono ibe mwa sibaka sa ka keta MULENA Mulimu wa hao kubeya libizo la hae ku sona, ki mona mo ka ezeza paseka manzibwana, lizazi ha li likela, ka nako yo no zwile ka yona mwa Egepita.

¹⁴ [Mbututu wa lila mwa kopano—Mu.] Sina ha luna ni butata hape. Ni lumela kuli Na kona kuhuwa katata kufita cwalo. Uh-huh.

¹⁵ Ki tuto yenca luli ye Ni bata kubulela nyana fa nako yelikani, musihali wo, ya kuli: *Sibaka Sa Lukisizwe Mulimu Sa Kulapelela*.

¹⁶ Cwale, se ki se ipitezi. Kono sina ha Ni bulezi, linako zeñata kwa mulaho, kuli MULIMU kamita upila mwa mikwa ye ipitezi, libaka ze ipitezi, u ezanga lika ze ipitezi, kakuli Yena ki ya ipitezi. Yo kaufela ya lumela ku Yena, u eza likezo ze ipitezi. Kuna ni lika zeñata, lika zeñata ze lu tabelu kubulela ka za ku ipitela kwa Hae. Kono Ni ziba kuli kaufela, ya ziba hande za Hae, uziba kuli Yena ki wa buipiteli, ka kueza lika ze ipitezi, fokuñwi linako zeñwi ibanga ka linako ze ipitezi. Kacwalo lu sepa kacemu kuli MULIMU uka fuyola yona, palo ya Linzwi yee, mi ni palo ye Ni ketile kuambola ku mina ka yona.

¹⁷ Cwale, se Ni nahana kuli kona se si tisize butata bwa luna fa, neli kuli, ba puma matepu a rekodilwe ani mwani, ni ku hohela fela muhala mwa maikulofoni. Kacwalo, haiba ha ba li lukisi,

kupalañi, mu ka ni utwa nihakuli cwalo. Mulimu uka lukisa lizebe za luna kuli lukone ku utwa.

¹⁸ Libaka le Ni batela ku bulelala taba ye, mi ki nako yende ya kueza cwalo, kwa mukopano wa Baana ba Pisinisi ya Evangel Yetezi, kakuli likeleke kaufela, kamba buñata bwa zona, li yemelwa mwa sikuwata se, kopano kaufela ye shutana.

¹⁹ Mi Ni fumana, linako zeñata, kuli sicaba, ne si ba katana mwa mukwakwa, mwa linzila za makululu, ni mwa lifulai, litima, limbasi, ha Ni li kubona kuli, “Ki kuli u Mukreste kana?”

²⁰ Alimuñwi wa bona ukali, “Kihande, Ni wa Methodist. Ni wa Baptist. Ni wa Presbyterian. Ni wa Lutheran. Pentekota,” kamba nto yeñwi ye cwalo.

²¹ Mañi ni mañi una ni kopano ya tabela ku yemela. Mi zeo li lukile hande ha yemelwa ki kopano, kono, niteñi, isali siemba se si maswe sa yona, kuli mutu ni mutu unahana kuli sikuwata sesiñwi se kona sikuwata fela sinosi se—se si ka ya kwa Lihalimu, mi ki sona inosi fela seo—seo Mulimu a yemelwa ku sona, ni hanyinyani, isiñi sikuwata sa mutu usili fela cwalo. Ni hupuzi kuli musihali wo ikaba nako yende ya kufeza litaba zeo. [Kopano ya kambela—Mu.] Mi mwendi kona Satani za sweli kutundaniseza maikulofoni yee. Mwa ziba, sika kaufela sa eza mutu si na ni ku fosahala, kono sa eza Mulimu ha si lwali bumaswe. Kacwalo ka kuba ni nako yende ya kueza cwalo, sibaka sesinde sa kueza cwalo, kacwalo, Mulimu alu tuse kuli, ka sishemo sa Hae, lu ka lika kueza mo lukonela kaufela kuambola ka zona.

²² Cwale palo ye, yezwa mwa Buka ya Deuteronomia. Ni utwisisa kuli Deuteronomia...sina ha Ni na ni Mañolo ni lika zeñwi zeñozwi faa.

²³ Ne kubanga kuli ne Ni li hupulanga kapili, kono kuzwa fo Ni fitelezi lilimo ze mashumi amabeli ka ze ketalizoho, ka nako ya bubeli, ibanga nto yetata kuli ni a hupulange mane. Kacwalo, Ni kenanga mwa muzuzu ni kulapela. Mi sina Ha ni fa Mañolo, Na a ñola, mi mwendi ni bangá ni kapepa nyana fa ni fa, koniya kaufela, kuli nibe ni booko bwaka inge bu sebeza kuya ka nako Ya ni fa zona.

²⁴ *Deuteronomia* kakuli ki linzwi la Sigerike le litalusa “milao yemibeli,” linzwi la kuli Deuteronomia. Mi Mulimu una ni milao yemibeli.

²⁵ Mi ulimuñwi wa yona ki mulao wa lifu, ku sa utwela Linzwi la Hae. Lu fumana kuli, fani Eva ha hana ku utwela Linzwi la Hae, la tisa lifu. Wani ki ulimuñwi wa milao ya Hae, “Zazi le mu ka ca kuyona, lona lizazi leo mu ka shwa.”

²⁶ Mi kipeto Una ni mulao omuñwi, ili mulao wa Bupilo, wa ku utwela. Ha mu sa ezi sa *kuli* ni lika zeñwi, kupalañi, kubuluka Linzwi la Hae, mu ka pila.

²⁷ Lishetumuka fa lika zepeli, kuya ka mo ni nahanelia, kuli, ikana yaba kubuluka Linzwi la Hae kamba ku sa utwela Linzwi la Hae.

²⁸ Iliñwi ya yona milao ye ne filwe fa Lilundu la Sinai. Mi omuñwi neli kuli... Wani kona mulao wa lifu. Mulao omuñwi no filwe fa Lilundu la Kalvari, kone ku filwe mulao wa Bupilo, ka Kreste Jesu.

Hape una ni bulikani bobubeli.

²⁹ Nana ni bulikani ni Adama, mutu wapili fa lifasi. Mi buitamo bwani nebula fa milao, "Haiba u eza sa *kuli-ni-kuli*, Ni ka eza sa *kuli-ni-kuli*." Adama nana ni sa kueza kuli abeye buitamo bo bu pila fapila Mulimu. Nana ni ku zamaya mwa linzila za Mulimu, inza buluka Linzwi la Hae kaufela, kusina kusikamisa Linzwi li liliñwi.

³⁰ Kono he A eza bulikani bobuñwi, mi bwani neli ni Abrahama. Buitamo bo ne bu si ka milao, kono ne busina mulao lao. Mulimu na file buitamo ku Abrahama, nekusina ze ne ekezwa kwateni, ni hanyinyani. Kusina milao! Isiñi kuli, "Nika eza cwalo." "Ni ezize! Ni li ezize kale zeo."

³¹ Mi wani kona mulao o Bakreste ba lukela kupila ka ona. Ha ki se luezia ka luna bañi, kono ki Sa lu ezelize. Kreste sa talekilwe kuba sitabelo. Isiñi kuli, "Uka ba cwalo." U bile kale cwalo! Ki sibyana se si felile. Na pilile, a shwa, azuha hape, a kambamela kwa Lihalimu, ukutile mwa mufuta wa Moya o Kenile. Kacwalo, ki musebezi o felile, ni Mulimu. Kreste, kusina kuziba sibi, atoba sibi saka; kuli Ni kone kuyema mwa sibaka sa Hae, Na ngile sibaka saka. Ne nili ku Yena, fa Kalvari, fani ha Na shwile. Fani Ni lukela kushwa ni Yena, kuli nipile. Kakuli mulao wa sibi ni lifu u mwa mibili, una ni kushwa, kuli u kutisee ku yena.

³² Kono cwale lu ikungela manzwi elukona kuitusisa, litaba zetuna ze, zeo kaufela lu zibahala ka buñata bwa zona, ni mifuta yemituna ya Mañolo. Kono, musihali wo, lu talimana ni ye, kuli, mwa pata ya se kaufela, U sa bulela kuli kuna ni fela sibaka silisiñwi ko Aka mi katanyeza, fa pila lituto za luna ze shutana kaufela. Lu bile ni bulapeli bwa Sijuda. Lu bile ni bwa ba Mohammedan. Lubile ni... Luna ni mifuta kaufela ya lituto za litumelo ni kopano, likeleke, ni zeñwi cwalo, kono niteñi Mulimu naize kuna ni fela sibaka silisiñwi ko Aka mi katanyeza. Libaka zani kaufela, yeñwi ni yeñwi ibulela kuli, "U kopananga ni keleke yaka. Mi ha u bi wa keleke ya hesu, Yena—Yena haana ku kopana ni wena. Mina, mu lukela fela kuba mwa sirkwata se kusi cwalo Yena—kamba Yena hana ku mi katana kwani. Kamba, Haana ku ku katana kusili kaufela konji ona mwani, nitaluse."

³³ Mi cwale lufumana cwana fa kuli Una ni sibaka silisiñwi, ki sibaka fela silisiñwi. "Uka fa sitabelo mwa sibaka sa ka keta Mulena Mulimu wa hao ku mu bulayela sitabelo." Cwale Una ni sibaka se si ketilwe ko Akopana ni bana baba lapela, mi ne

ba sa lukeli kubulayela sitabelo kwa sibaka sisili fela konji mwa sibaka sinosi se si ketilwe sani. Sibaka sesiñwi kaufela ne si sike sa beleka. Nana ni sibaka silisiñwi ko Na ka kopana ni bona. Mi sibaka silisiñwi, fela, kona ko Akopana ni mulapeli.

³⁴ Mi, haiba yeo ki niti, kihande lube baba tokomela hande kuli lufumane sibaka sani. Ni sepa kwa lu lukela, kuli, luna ka kuba batu baba ziba kuli lwa shwa, ni kupila mwa lusika lo lushwa, lupila mwa lusika lo lushwa, lupila mwa na ha ye shwa, mwatasa situwa sa lifu.

³⁵ Mi lifasi le lina ni kutaha kwa mafelelezo cwanoñu. Halikoni kuya hahulu fa hule. Sibi si tungile hahulu. Si fitelezi sepo. Hakusana sepo hape kwa lifasi. Si fitelezi seo.

³⁶ Ni lumela kuli Moya o Kenile usweli kububula mwa masimu, kufumana *yo ni yani*, kakuli hola se i felile. Evangeli ikutazwe kwa na ha kaufela. Milao ni lika zeñwi li Ilatelezi, kono niteñi Evangeli i sa zwezipili ona cwalo ka kuswana.

³⁷ Mi cwale, kwa nako ya maungulo, lu bona lika ha li ezahala ka mo li inezi, kuna ni temuso yetuna mwahala sicaba se si ketilwe sa Mulimu, kuli ba fumane se si lukile. Mi kwa lu lukela kuziba cwalo. Cwale, ha ki tuto ya mutu, kono ki kuziba sesili Niti, se ibulela Bibele kuli kona Niti. Kakuli, nako ikabe ifelile leliñwi la mazazi aa, ku luna, mi le ikona kuba lizazi lateñi, kacwalo ha lu talimeñi hande ku za bulezi Mulimu.

³⁸ Muhupule, haiba Mulimu u bulela Linzwi, Hakoni ku li kutisa mwa mulaho. Una ni kusiala ali yaswana. Hakoni kubulela sika, mi ni kubulela kuli, "Kihande, Ne—Ne ni sa talusi sani." Mwabona, Yena ha feli. Wa ziba zende, ka kukala. Lu bulelanga lika ze lu nahana kuli li lukile, mi kasamulaho nyana lwa li kutisa ka kuinyaza. Kono Mulimu hakoni kueza cwalo, mi asiyale ali Mulimu. Kacwalo haiba Ki ya sa feli, Ha—Ha ezi cwalo, kakuli Yena u petehile mwa Linzwi kaufela. Ha koni kubulela Linzwi haiba ha la Kuyakuile. Za Hae za Kuyakuile kaufela nelili ni Yena kwa simulaho, minahano ya Hae, milelo ya Hae, mi isweli fela kuiponahalisa ili yona mwa lifasi kacenu.

³⁹ Cwale, muhupule, Una ni sibaka se si lukisizwe, sibaka silisiñwi ko Aka kopana ni bana baba lumela. Kwa sibaka sesiñwi kaufela hakuna kubeleka.

⁴⁰ Muhupule, Jesu naize, ha Na li fa lifasi fa, kubulela kwa sikwata sa batu ne be bali ba bulapeli hahulu, babande luli, baba lutilwe hande, sicaba se si na ni ciseho luli, sa Mulimu, kono Jesu ali ku bona, "Mu Ni lapela mbango," ka ku luta batu Lituto za lizo za batu. Muhupule bulapelli bwa sicaba sani mo ne buinezi, ni ciseho ya Mulimu. Ni lumela kuli ha ne lu ka bala batu bene ba li ni ciseho luli, ba kacenu kamba lizazi lani, bona ne bakaba hahulu ni ciseho ku lufita. Fahule luli! Ha li wela ku za kutokomela lizo ni milao, ni lika zeñwi, ne bapila ka zona. Mi ne ba na ni ciseho hahulu ka za Mulimu, mi ne ba lumela Mulimu.

Kono Jesu, Mulimu ya ezizwe nama mwahala luna, naize, “Mu Ni lapela mbango.” Cwale, Na si ka bulela kuli ne ba sa Mu lapeli. Ne ba Mu lapela, kono neli mwa mbango.

⁴¹ Kacwalo sika kaufela mwa mbango kinto yesina-, ibe cwani ni cwani, kinto yesina tuso. Ha u lukeli kueza cwalo, kakuli usweli fela ku sinya nako ya hao. U sweli fela kusinya moyo wa hao, usinya fela mata a hao, kufitela lu ziba ze lusweli kueza.

⁴² Kaniti, haiba Mulimu ubata kuli sicaba si petahale, sina Jesu hana ize kuli, “Mube baba petehile sina Ndata mina mwa Lihalimu hali ya petehile,” ku lukela kuba ni buitukiso kokuñwi. Mi ki Hali, “Ni ka keta sibaka ko sicaba si ka Ni lapela. Hakuna sibaka sesiñwi se Ni ka kopana ni sona.” Mi, cwale, seo si lukela kuba sona sibaka sani, mi lu lukela ku si batisisa. Lu fumane fo si inzi, mi kipeto ni kuya teñi. Ni sepa luswanela kuapula fateni, kapili, ha lu se lufumanu sibaka seo, lu si ye fela lika zeñwi kihona.

⁴³ Cwale, muhupule, Jesu naize mwa Liñolo leliswana le lona le Ni bulela. Sizo sa batu kanti si mwa mbango. Ha lu lukeli ku angabazwa ki zona. Kuna ni ze tokwahala, kokuñwi, sibaka sesiñwi seo Alu fumanezi, kuli lutahe mi milapelo ikona kupumiwa. Cwale, muhupule, kwanda sibaka se si ketilwe sani, hakuna taba kamba u ya sepahala cwani mwa milao, u sa lapela mwa mbango.

⁴⁴ Ni ziba kuli seo si utwahala buhali. Kono, muyaho so li bukaufi ni kufela, ha lu lati kuli u nyanganye. Halu li u nateleñi hande ka Evangelii, ili kuli batu ha ba ku fumana mwa nzila, kamba kaufela ko uinzi, u Mukreste, kuli ukaba ni kalabo ya ku ba fa.

⁴⁵ Mwa hola ha ba bulela kuli, “Oh, se ki Sani. Mi Ni boni *se* ha si eza se, ni *sani* si eza sani.” Kiniti, lika ze kaufela lina ni ku ezahala. Kono kuna ni sibaka se si lukisizwe ki Mulimu anosi, mi sani kona sibaka ko Mulimu akopana ni mulapeli, anosi.

⁴⁶ Mulemuhe timana ya 2, “Mulapele mwa sibaka se Ni ketile.” Kuketa sikamañi? Mwa sibaka se kubonisa kuli U ketile sibaka koo batu kaufela ba lapelela. Libaka zeñwi kaufela li mwa mbango. “Mi mwa sibaka se si swana se,” Na ize, “Ni ketile hape kubeya Libizo la Ka mwa sibaka se. Ni ka keta sibaka, mi Ni ka beya Libizo la Ka ku sona, mwa sibaka se mwa ka yo lapelela.”

⁴⁷ Cwale, se si bonisa kuli kuna ni sibaka silisiñwi, ki silisiñwi fela. Ilukela kuba keto ya Mulimu; haikoni kuba ya luna. Haluna keto yetaha; U iketezi kale. Cwale, sa keta Mulimu si lukile. Na kona kuketa se si fosahalile, mwakona kuketa ze fosahalile, kono Mulimu hakoni kueza cwalo. Mukete hande. Kasamulaho wa zeo, hanili, Ki yena ya lapelwa. Mi Una ni sibaka ko Abata balapeli ba Hae kuli ba kopanele teñi, mi luswanela ku kopana ni Yena ona koo. Sani kona fela sibaka sinosi ko Apila; sibaka fela sinosi ko Aka ku utwa.

⁴⁸ Halu lemuheñi fa, hape, “Sibaka se Ni ketile ku Ni lapela ku sona, Ni ka beya Libizo la Ka mwa sibaka seo.”

⁴⁹ Oh, cwale ha lu baleñi Mañolo kwa sibaka seo Ana ni Libizo la Hae ku sona. Cwale luna ni miluti ni mifuta, mwahala Bibele kaufela, lwa ziba cwalo, ka libaka zeshutana kwa kile A kopana ni sicaba, kono sani ha ki sona sibaka ko Aka kopana ni bona kacenu. Kakuli ne li yemela fela nto yeñwi, ye ne taha kwa sibaka tenyene kwa Na ka kopanela ni sicaba, sibaka, Keleke Ya lukela ku kopana ku yona. Mi kuna ni sibaka, kuna ni Keleke, yeo Mulimu na sepisize ku kopana ni sicaba mwa sibaka se ni ku alaba litapelo za bona, kambe ne ba ka taha fela mwa sibaka se ku to Mu lapela.

⁵⁰ Cwale lu fumana kuli kuna ni babañata baba ipapata kuli—kuli bana ni sibaka, ko Libizo la Mulimu lifumaneha mwa sibaka sa bona. Kono, mwa bona, *bona* ba beya Libizo la Mulimu mwateni. Kuna ni shutano yetuna mwahala yetuna kuli Mulimu abeye Libizo la Hae mwateni, ni kuli mutu fela alibeye mwateni, abeye Libizo la Hae lu sona. Mwabona? Lu swanelia kuhupula kuli Mulimu naize, Na ka beya. “Ni beile Libizo la Ka. Ni ka beya Libizo la Ka mwa sibaka se. Mi sani kona sibaka se Ni ketile, mi ni ketile, kuli sicaba si lapele.”

⁵¹ Se, si lutisa cwale mwa ponahazo ya miluti ye ya nako ye, si lutiseza Kreste mwa ponahazo. Testamente ya Kale kaufela ne i monyehela Jesu. Mwa Egepita, busihu bwani hane kuna ni kuba ni—ni ngu ya paseka ye ne bulailwe ya silelezo ya sicaba, lu lemuha kuli Mulimu nana ni sibaka silisiñwi, buino bulibuñwi. Hakuna taba kamba ki mwanana cwani, kamba muprisita ya hulile cwani, mutu wa za bulapeli, kaufela so no li sona, u lukela kuba mwa sibaka sesiñwi se. Kaufela baba kwande a sibaka sani, ne mu ka shwa. Mu lukela kuba mwa sibaka silisiñwi se, ili sibaka sa Na sepisize.

⁵² Cwale, ne luka ina nako yeñata, musihali woo, ka kutatulula zeo, yekona kuba fela kufituluka ku ze lu ziba cwale, kuli ka mo Kreste u bonahalile ka mifuta yateni. Ngu ya sitabelo, mo iswanela kubulukiwa, ya poho kusina nyazo, ni mo ilukela ku bulaelwa ki babahulu, ni ka mo mali alukela ku hasezwa fa sikwalo, kaufela ki ze bonisa kutaha kwa Kreste. Mi mwataswa mali a suluhile a neli sibaka seo Mulimu na katana mulapeli, fani lingeloi la Lifu ha ne lifita mwa naha.

⁵³ Ni lumela kuli lu itukisize kuzwa mwa Egepita, leliñwi la mazazi aa, ni kukena mwa Naha ya sepiso ye. Mi seli nako ya kuli lukene mwa sibaka se si lukela, ni kutuhela ku omana kwa, “Ni wa Presbyterian. Ni wa Methodist. Ni wa Baptist. Ni wa *se*. Ni wa *sani* kamba *sesiñwi*.” Muzwe ku zona, mi mufumane ko kuna ni sibaka se, kakuli kuna ni lifu kai ni kai kwanda sibaka sa Hae se si ketilwe. Lifu li ka nata handende sina lifasi, haiba

ha lu yo mwa sibaka sa Hae se si ketilwe. Kono koo A keta, lifu halikoni kutaha.

⁵⁴ Haiba mulemuha mwa ngunyana ya sitabelo, lifu ne se li potezi kale mwateni. Lifu ne litile mwa sibaka se kakuli ngunyana ne se i shwile. Lifu ne se li potile kale. Mi kacwalo kone kuna ni lifu, mi Mulimu a sepisa kuli sani ikaba sibaka sa Hae. Mi, Yena ha iponahaza, lu bona cwale seo ngu ya sitabelo neili sona, seo sibaka sa bupilo nesili sona ka nako yani.

⁵⁵ Cwale, ku na, se si feza likaňi kaufela. Ni Kreste inza iponahaza, ka kuba Ngunyana ya sitabelo, kona kuli seo si felisa likopano kaufela, lituto za litumelo kaufela, lituto za bulapeli kaufela, buino bwa keleke kaufela. Si felisa lika kaufela. Yeo ki niti, kakuli lufumana cwana, fa, Yena mwa ponahazo, kakuli Yena ki Linzwi leli sika zwakiwa la Mulimu. Muñoli Joani 1, naize, "Kwa simuluho nekuna ni Linzwi, Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna." Kabakaleo Yena ki Linzwi la Mulimu le li si ka zwakiwa le li ezipwe nama, le li bonahalile.

⁵⁶ Mi taba yeo ha nze i ponahaza, halukoni kutamahanya seo kwa keleke ifi kaufela mwa lifasi kacenu, kopano ifi kaufela. Sibaka kaufela se si cwalo, halukoni ku tamahanya kusona, kakuli ha ku cwalo. Lu beya Libizo la Kreste fa muyaho, lu li biza kuli likeleke za "Kreste," ni *se, sani*, kamba sesiňwi. Sani ha siezi cwalo. Sani ha si ezi cwalo, ni hanyinyani. Kono cwale Mulimu ha beya Libizo la Hae ku sesiňwi, sani kona se si eza lika.

⁵⁷ Cwale, hakuna sika mwa Bibele se si kona ku swanisisa likopano za luna za kacenu, kwanda Babilona. Wani kona fela mufuta mwa Bibele wa kopano ya luna ya kacenu, bulapeli bwa kuongaonga, kakuli ne li kaliszwe ka Nimrod ni swalisanu ya kapelezo mwahala sicaba sa bulapeli. Mi zeo kona lituto za litumelo ni likopano za luna mo li ezeza kacenu, kopano ya kapelezo, "Ukona kuba wa se kamba u kwande!" Mi lwa taha cwale, sina ha lu bona, kwa kapelezo ya mayemo alimaňwi amatuna a zona. Kono yeo ki kelezo ya ikupulezi fela mutu mi itahile ka mutu, mi mane haikoni kuyema. Ha ki tato ya Mulimu. Ha ki tukiso ya Mulimu. Hakuna taba kamba batu balika kubulela cwani kuli ku cwalo, ha ku cwalo. Haku konahali kuba cwalo. Ha ku konahali fela, kuli kube cwalo. Mulimu hakoni kubeya Libizo la Hae mwa sika se si cwalo se si latula Linzwi la Hae. Kana Mulimu ukona kupila cwani mwa sika se si latula Linzwi la Hae Tota? Hakoni kueza cwalo.

⁵⁸ Kacwalo lu fumana cwana kuli, ha li swalisanu kwa keleke ifi kaufela, Methodist, Baptist, Presbyterian, Pentekota, Katolika, Orthodox ya Sigerike, kaufela seo sikona kuba sona. Ha ki sibaka sa Mulimu sa kulapelela, niteňi.

⁵⁹ Cwale mutuhele Mulimu, Yana file sepiso ye, atahé mi a i bonise, kuli ki niti. Cwalo kona mwa ku ezeza. Haiba Usali

Mulimu, Usali yena Mulimu! Haiba Akile aba Mulimu, Una ni kusiyala ali Mulimu!

⁶⁰ Mi cwale lubona ona bulapeli bo bu hapelelizwe bo, fapila luna hande cwale, ku to tisa likwata zenyinyani kaufela mwa “buñwi bo butuna,” mo ba li bizeza. Babañwi ba bona balumela ku *se*, mi babañwi balumela ku *sani*; mi babañwi ba latula *se*, mi babañwi ba latula *sani*. Bibele ibulezi kuli, “Kana bababeli bakona cwani ku zamaya hamoho ha ba sa lumelelani?” Halina ku beleka.

⁶¹ Lu lukela kuba mwa tumelelano. Mi ki mwa tumelelano ni sikamañi? Isiñi mwa tumelelano ni yomuñwi, kuya ka mo lu lukela kubela mwa tumelelano ni Linzwi, ni Mulimu. Sani kona se si lukela kuba mwa tumelelano ni sona.

⁶² Cwale lu fumana kuli, mi sikuwata sa kapelezo ne si yemelwa ka likwata za batu kwa Babilona. Mulimu hakoni kubeya Libizo la Hae mwa sika se si cwalo sani. Na si ka eza kale zeo mi Haana ku lieza mane. Ni ha ne ba likile cwalo, ba beya libizo la bona ku lona, ba beya Libizo la Hae ku yona, kono ha ki cwalo.

⁶³ Kono lu swanelu kufumana kwa Na beile Libizo la Hae, kakuli ki sona sibaka mi sibaka fela sinosi ko A lukiselize Bakreste kutaha, ni bana baba lumela, ni ku Mu lapela mwa sibaka se. Kana sibaka se sikaba cwani?

⁶⁴ Cwale ka ku ikutela, lwa kona kunga Bibele kaufela kukutela ku se Ni ka bulela. Kakuli, sibaka sa Na ketile si ku Kreste, ku Jesu Kreste. Si ku Yena, Mwana Hae; Mwana Mulimu, Jesu Kreste.

⁶⁵ “Kihande,” u ize, “Ni hupuzi kuli Liñolo li balile fa kuli Na bulezi kuli Uka keta sibaka, mi Na ka beya hape ‘Libizo’ la Hae mwa sibaka sani.”

⁶⁶ Kihande, mwana kamita unganga libizo la ndatahe. Libizo laka ki Branham kakuli bondate neli bo Branham.

⁶⁷ Mi Jesu na bulezi kuli Na tile ka Libizo la Ndate Tota. Muñoli Joani 5:43, “Ni tile ka Libizo la Ndate mi ha mu Ni Amuheli,” kabakaleo kwani kona koo Mulimu na beile Libizo la Hae, mwataswa sitabelo sa Mwana Hae Tota! Sani kona fela sibaka sa lukisize Mulimu. Kwani kona ko batu bakona ku kopana ni Mulimu, ki ku Kreste. Sani kona sibaka sa Hae se si lukisizwe. Hakuna kopano, hakuna tuto ya tumelo, hakuna sika sisili fela, ko Mulimu u sepisize ku kopanela. Konji fela ku Jesu kona ko Aka kopanela, kakuli sani kona fela sibaka ko ku fumaneha Libizo la Hae.

⁶⁸ Hape lu utwa Jesu, sina ha Ni latelela Mañolo, Joani, Joani kauhanyo ya 5 ni timana ya 43, Ki hali, “Yomuñwi uka taha, ni kutaha mwa libizo la hae fela, mi yena yoo mu ka mu amuhela.” Lwakona ku ikopanya kwa tuto ya litumelo, “yeñwi,” lwakona ku ikopanya kwa kopano, muka mu amuhela; kono ha mu

amuhela Jesu, kwa shutana. “Yomuñwi uka taha, ‘Ni ka bulela kuli Ni wa Methodist, Ni wa Baptist, Ni wa Presbyterian,’ mu ka amuhela zeo ku lukile. Kono Na ya tile ka Libizo la Ndate Luli, ni eza sa na bulezi Ndate kuli Ni ka eza, mi ha mu Ni amuheli.” Ki hali, “Joani natile, mi nana ni bupaki bobutuna, kono Na ni paki yetuna ku Mulimu—ku Mulimu kufita za na ezize Joani. Kakuli sa Ni file Ndate kueza, ki se Ni eza,” manzwi ana ñozwi ka Yena, sa Na lukela kuba sona mwa lizazi lani. Kakuli Nali cwalo . . .

⁶⁹ Libizo la Hae neli Mulimu. Mulimu una ni malumbatina amañata. *Mulimu* ki lilumbatina, Kasibili, na bizwa kuli Jehova-jaire, Jehova-rafa, Jehova-manase. Na bizwa kuli Palisa ya Sharoni, Mulilima wa mwa Libala, Naleli ya Kakusasana; Alfa, Omega, Makalelo ni Mafelelezo; mi ni Ndate, Mwana, Moya o Kenile; ona malumbatina aa kaufela.

⁷⁰ Kono Libizo la Hae, Libizo la Mulimu ki “Jesu Kreste,” yena Ya Tozizwe. Lani kona Libizo la Hae. Nana ni malumbatina amañata, kono Libizo li liliñwi, lona fela, “Hakuna Libizo lisili mwataswa Lihalimu leli filwe ku mutu, leo mu lukela kupiliswa ka lona.” Lu fumana kuli yeo ki niti.

⁷¹ Hape ka temuso ye, kuli, “Mi mutu yomuñwi yo ha taha, kuli na tile ka libizo la hae, ‘Methodist, Baptist, Presbyterian, Pentekota,’ ni zeñwi cwalo, mu ka mu amuhela. Mu ka ikopanya ni yena.” Kono Kreste u hanilwe. Ba Li hana.

⁷² Mupolofita naize! Ha lu lateleleñi Libizo la Hae hanyinyani. Mupolofita naize, “Libizo la Hae li ka bizwa ‘Emanuele’” Cwale, Isaya na bulezi cwalo, mwendi ki kauhanyo ya 7. Mi hape ni mwa Mateu 1:23, ili, “Ze kaufela ne li ezahalile, ze ne lukela kutalelezwa ki Mulena ka mupolofita, kuli, ‘Libizo la Hae li ka bizwa *Emanuele*, le li tolokwa kuli, ‘Mulimu una ni luna.’””

⁷³ Emanuele, mi Libizo la Hae neli Jesu, Mulimu una ni luna, ka Libizo La Ndatahe. Na tile ka Libizo La Ndatahe. Mwani kona moo Mulimu na beile Libizo la Hae, ku Mwana Hae. Sani kona fela sibaka sinosi ko mukona ku Mu lapela. Sibaka fela sinosi seo Mulimu aka mi katanyeza, ki ku Mwana yani yana swanisizwe ka ngunyana ya sitabelo. Ni kutaha cwalo mwahala Testamente ya Kale, kaufela zona ne li tisize mifuta ya nto iliñwi yani, kuli sibaka sani si nosi, Mulimu, anosi, na kopanela mwataswa mali a sitabelo; sibaka fela sa Na kopanela teñi. Sibaka fela si nosi ko Akopana kacenu: ha ki ka libizo la tuto ya tumelo, kamba ka libizo la kopano, libizo la keleke, kamba libizo la sikwata, kamba libizo la katengo, kono ka Libizo la “Jesu Kreste!”

⁷⁴ Ne ni likile zeo hane Ni sa li fela mushimani. Ne ni utwile hañata ka za mioya, ya diabulosi, mwa ezezanga lika. Mi Na ziba kuli haiba nekuna ni Mulimu, ku lukela kuba ni diabulosi, kakuli Bibebe ibulezi kuli kuna ni diabulosi. Mi yena, Na hupula kuli . . . na utwa ka za ba mioya ba. Ne ni ile ku babañwi ba bona, na yo fumana kuli neli mahata, kusina zeñwi kubona, neli fela sikwata

tuna sa baba sa lumeli. Kono Na fumana kuli nekuna ni babañwi ba bona be ne ba li mwa litaba za moya hahulu.

⁷⁵ Ne nili kwa mafulo nako yeñwi, ko mukutazi ni Na lwaya ku yo ba bona kwani. Ne ba nanulezi tafule mwa halimu kuzwafafasi, mi ne ba tomile fateni likomoki za magilasi; ni kunga tafule yani, ku i fetaula fetaula kwa mulaho ni kwa pata. Ni gita inze fufa mwahala muyaho; libyana za batu. Ba inanulela mwahalimu, mwa sibaka. Bali, yona mioya yani yali, “Ni laela kuli yomuñwi a i wisezefafasi.”

⁷⁶ Baana bababeli ba li, “Ni ka iwisezafafasi.” Na i swala kwa mahutu sina *cwana*, ni kulika ku iwisa kuiswala. Ne i si ka lumela. Kiñi, tafule yani ya ba wisezafafasi ku lapalala fa bulilo.

⁷⁷ Musike mwa ina fela fakaufi. Haiba wali kuba ube mukutazi mi ubile mwa masimu, taba fela yo ziba ki muhupulo wa diabulosi. Haiba mutualima fa lika zeñwi za sicaba se si zamaya mwa mikwakwa, mwakona ku mubona. Kono kuna ni diabulosi! Kaniti u teni.

⁷⁸ Mi batu ba ba lapela diabulosi, mane haba zibi se ba eza. Ba lapela diabulosi mwa likeleke, “Ku luta batu Lituto za lizo za batu, lituto za litumelo—lituto za litumelo ni lizo.” Mi se Nili . . .

⁷⁹ Musali yo ato ni huweleza, mi ali, “Ba ni bulelezi kuli u mukutazi.”

Se nili, “Ni mukutazi.”

⁸⁰ Musali ali, “Konakuli haiba ha u . . .” Ali, “U nahana sikamañi ka se?”

Se nili, “Ki diabulosi.”

⁸¹ Mi ki hali, “Kihande, kanti, haiba una ni mata amañata hahulu, kifo i wisezefafasi.”

⁸² Se nili, “Hanina mata ni amakana, ni hanyinyani. Hanina mata, kono Ni teñi mo ku to yemela Yomuñwi.”

⁸³ Se nili, “Mulena Jesu, U bulezi cwana, ku Muhalalehi Mareka kauhanyo yabu 16, ‘Ka Libizo la Ka ba ka leleka mioya ye maswe.’” Se nili, “Cwale, kuli mutanga Hao a zibe, sina ndwa haili fapila ka!”

⁸⁴ Se nili, “Ni laela tafule yani kuli iwelefafasi, ka libizo la ‘Keleke ye kenile,’ mi ya ina fela ona fani. Se nili, “Ni laela tafule yani kuli iwelefafasi, ka libizo la ‘Ndate, Mwana, ni Moya o Kenile,’ ya ina fela ona fani. Se nili, “Ni laela tafule yani kuli iwelefafasi, ka Libizo la ‘Jesu Kreste,’ mi ya bata ku lobeja mahutu amane kaufela, ha i to natafafasi!”

⁸⁵ “Ka Libizo la Ka ba ka leleka mioya ye maswe!” Lani kona Libizo la Ndate. Na beile Libizo la Hae ku Jesu Kreste. Mi ku Yena Wa kopana, ku to lapela. Ku Yena Wa kopana, ku leleka mioya ye maswe. Ku Yena Wa kopana, ku to folisa bakuli. Ku Yena Wa kopana, ku to pilisa. Ku Yena Wa kopana, ku to pilisa,

kutaza ka Moya o Kenile. Sani kona fela sibaka sa Mulimu kwa ku kopana ni sicaba mwa kulapelela. Cwale lu fumana kuli Jesu naize hape kuli . . . Linzwi, Libizo la *Jesu*, litalusa “Jehova-Mupulusi,” Jehova Mupulusi.

⁸⁶ Muhupule, “Hamuna ku kubamela Mulena . . .” 5, timana ya 5, “Hauna ku lapela Mulena mwa minyako ifi kaufela, yeo Mulena Mulimu aku fa. Mwa minyako kaufela, hamuna ku Mu lapela kuyona,” Mulimu na bulezi cwalo, mwa timana ya 5 mo, ya Deuteronomia 16. “Usike wa Mu lapela mwa minyako ifi kaufela, yeo Mulena Mulimu aku fa. U ku fa lika ze ka miliko.” Lu ka kena ku zeo, biki ye, haiba Mulena alata, mubone haiba Mulimu u kutisa Linzwi la Hae mwa mulaho, kamba nee. Mulemuhe, Na mi file minyako yani, kono musike mwa lapela Mulena ku ifi kaufela ya minyako yani, kakuli Mulena Mulimu wa hao haana ku ku katanyeza ku yona.

⁸⁷ Kono Mulena Mulimu u iketezi munyako. U iketezi sikwalo. Jesu naize, ku Muñoli Joani kauhanyo yabu 10 kuli, “Kina munyako kwa mulaka wa lingu. Ki na munyako woo.” Ki yena Jehova-Mupulusi.

⁸⁸ Cwale lwakona kuzwelapili fa lihola nyana, kutatulula zeo. Kono Na sepa mwa utwisisa, ka kezo ya mina, kuli mu—mu alaba kwa Niti ni kwa Linzwi. Konakuli haluna kuzwelapili kufita fahule, mwakona kufita kaufela fo mulata kufita. Kai ni kai ko mutaha, haiba ki Niti, ika kutela hape mwa sikuka hande ni Linzwi kaufela. Hamukoni kueza kuli Bibebe i bulele nto iliñwi, mi ni nto isili fela, kinto yeshutana ku sa Na bulezi pili. Ilukela kuba nto yeswana ka nako kaufela.

⁸⁹ Ni sweli kufitelela Mañolo amañata fa taba ye, bakeñisa fela kuli Nibona kuli seli busihu. Mi kezela luna ni babañwi bana ni sebelezo mo busihu boo, mi lubata kulapelela bakuli. Fo kikuli, ni kufumana kuli, Billy, haiba bana ni makadi a litapelo.

⁹⁰ [Yomuñwi uli, “Hakuna sebelezo busihu boo.”—Mu.] Hakuna sebelezo. Kihande. Kihande, kihande. Ku lukile. Cwale ha lu li batisiseñii. Ku lukile. Ku lukile. [Puteho ya nyakalala.] Lu sepa kuli Mulena uka fuyola kalibe yo ka se, ku lu lumeleza kuba ni sibaka se, ku lufa nako ye.

⁹¹ Kuna ni bupaki bo bu ñata hahulu ka buipiteli bwa kuli Jesu kona sibaka. Ki yena munyako, Ki yena Libizo, mi nzila inosi fela ye lukisizwe yeo Mulimu ana ni ku kopana ni mutu kuyona mwa milapelo. Ki yena Nzila, ki Niti, ki Bupilo; ki Munyako, ki Sikwalo; ki Alfa, Omega, wa Makalelo ni Mafelelezo; Palisa ya Sharoni, Mulilima wa mwa Libala, ki Naleli ya Kakusasana; ki Alfa, Omega. Yena ki lika kamukana, taba kaufela hamoho. Yena ki zepeli cwalo Mubisi ni Mwana wa Davida, ili Naleli Yebenya ya Kakusasana. Ku Yena kuna ni mutalelela wa toho ya Bumulimu, ka mubili, mo luna ni bana ba bashimani ni basizana ku Mulimu, mwa toho ya Bumulimu bwa Mulimu.

Eeni. Sina bana ba bashimani ni basizana, lu mwa lubasi, haiba muteni mwani.

⁹² Cwale lu kena cwani mwa sibaka sesituna se ku to lapela? Yeo kona puzo yetatama. Lu kena cwani mwa sibaka se, haiba Jesu kona sibaka? Ki yena Libizo la Mulimu. Ki yena sibaka sa kulapelela sa Mulimu. Mi ki Yena fela sikwalo kwa ngu. Mi lubata kufumana mo lu kenela ku Yena ka nako yeo.

⁹³ Cwale, haiba ukeni mwa munyako, eeni sha, mutahe sina lubasi, sina hane lu ambola zazi leliñwi, ba...kamba kwa mukushuko, ka za lingu ze nyinyani, kuli Mulimu nasike ku kwala sikwalo kufitela A fumana ngu nyana ya mafelelezo yani ni ku to ikenya mwahali. Haiba mutile, konakuli mufetuha kuba lubasi. Mu lubasi lwa Mulimu ha se mutile ku Mulimu. Kono hamukoni kuba lubasi lwa Mulimu ni kuba ba Presbyterian, Methodist, Baptist, ni Pentekota. Hamukoni kueza cwalo. Mu lukela kutaha ku Jesu Kreste.

⁹⁴ “Kihande,” mu li, “lu ezize.” Lu ka bona haiba mu ezize cwalo.

⁹⁵ Ha lu fumaneñi se ibulela Bibele cwale. Lu fumana, mwa Makorinte Bapili, kauhanyo ya 12, Bibele ibulezi kuli, “Ka Moya ulimuñwi luna kaufela lu kolobelizwe mwa Mubili ulimuñwi.” Lu kolobelizwe mwa Mubili wa Kreste, ka Moya o Kenile ulimuñwi. Ha lu si ka kena ka ku lu nyanganyisa, ha lu si ka ikopanya mwateri, ha lu si ka kena ka ku lu kolobeza ka mezi. Lu kolobelizwe ka Moya o Kenile, kukena mwa Mubili wa Jesu Kreste.

⁹⁶ Ku nga nako yekuma kai ha u keni Mwateri? Kufitela u palelwa ku ikuteka? Maefese 4:30 ili, “Musike mwa swabisa Moya o Kenile wa Mulimu, o mu swailwe nombolo ka ona bakeñisa lizazi la ku liululwa kwa mina.” Mu kanane ni Yena, ha ki na. Sani kona se I bulela. Na ni I bala fela. Ku lukile. “U swailwe kuisa lizazi la kuliululwa kwa hao,” kufitela lizazi leo Jesu a kutahela.

⁹⁷ Mi, munahane fateni, haiba he ha u yo unosi, u sibupiwa se sinca, kamba Sigerike foo sitalusa kuli, “pupo yenca.” Wa bupiwa sinca hape. Mata a Mulimu ataha ku wena, mi uba ya bupilwe, ili pupo yenca; zetisa pupo ya nama kaufela, pupo ya moyo ni zeñwi kaufela, mwa kuipteta ku utwa Linzwi la Mulimu. Isi ka mukwa usili fela!

⁹⁸ Kana ukona kubulela cwani kuli u Mukreste, ni ku sa utwela Linzwi la Hae mwa nto yeñwi? Kaufela ya na hanyeza mulao mwa—mwa kalulo iliñwi ya Ona, nana ni mulatu wa Ona kaufela. Yo kaufela! Jesu naize, “Mutu hana kupila ka buhobe fela, kono ka Linzwi kaufela le li zwelela mwa mulomo wa Mulimu.” Isiñi fela siemba sa Manzwi; Linzwi kaufela! Zeo Na li bulezi mwa Sinulo kauhanyo ya 22, “Yo kaufela ya ka zwisa Linzwi li liliñwi mwa Buka ye, kamba ku ekeza linzwi ku Yona, siemba sa—sa hae

si ka zusiwa mwa Buka ya Bupilo.” Ha lu lukeli kuzusa sika mwa Bibele, kamba ku ekeza ku Yona. Ki ku bulela fela se I bulela.

⁹⁹ Mi mwa Makorinte Bapili 12, I bulezzi kuli, “Ka Moya ulimuñwi luna kaufela lu kolobelizwe mwa Mubili ulimuñwi.”

¹⁰⁰ Cwale kasamulaho mumana kuba mwa Mubili woo, Maroma 8:1 ili, “Hakusana cwale katulo nihaiba iliñwi ku babali ku Kreste Jesu, baba sa zamayi ka nama, kono ki ka Moya.” Seo kona sibaka mo kusina katulo. Kamba mu ya kwa Methodist, Baptist, keleke ya Presbyterian, kaufela ko ifumaneha; haiba u ku Kreste, u sibupiwa sesinca, mi hakuna katulo ku wena, hakuna nihaiba iliñwi haiyo. Sani kona sibaka sa ku kopanela sa Mulimu. Fani kona fo Mulimu akopana ni mulapeli. Kwani kona ko u yo ikalabela uli sibupiwa sesinca, kakuli ba shwile kwa lika za lifasi. Ba pila ku Yena. Kubateni koku pila kwa Mulimu ku ina ni bona, zazi ni zazi.

¹⁰¹ Upila ku bona, mwahala lusika lufi ni lufi kaufela. Lusika kaufela lo lutahile, kuya ka muzamao wa Bibele, mi mutu ha fita fa linepo za Mulimu, utaha mwa sibaka seo A lukisize Linzwi la Hae leliñozwi la lizazi lani, Mulimu ueza kuli mutu yo abe sibupiwa sesinca, mi ha atuluiwi. Mutualime ku Jobo.

¹⁰² Kana Na mi tiba mazebe, mo Ni huwakela mwa ma maiki aa? Mu ni swalele ka zona. Ni ziba kuli ki ku utwahala kwa lilata kwanu. Na li utwa kwanu, nina mane.

¹⁰³ Kono, mutualime. Jobo, hakuna taba kamba batu babañata balika ku mu nyaza cwani, ki babakai bene ba bulezzi kuli na fosize, na sweli kubuluka taelo ya Mulimu, ka sitabelo sa ku cisa sani. Na ziba kuli na beilwe ya lukile, kakuli na buluka litaelo za Mulimu. Cwalo kona mwa na beezwi ya lukile, kakuli naswelii kueza lika za na bata Mulimu kuli aeze.

¹⁰⁴ Pata ya Mulimu yapila i monyeha musihali kaufela zazi ni zazi, kuzwa kwa lifu la lituto za litumelo, ni kwa Bupilo ni kwa Linzwi la lizazi lateni. Cwale, Mulimu una ni lika Za sweli kueza.

¹⁰⁵ Sina palisa yenyinyani—yeniyinyani, sina hane Ni bulezzi kakusasana omuñwi kwa mukushuko. Fani kuli peu hai taha kwa liseli, ikala kuhula. I nwa kwa siliba sa Mulimu, izwelapili kukasha kufitela i taha fa siemba sa lituhela, a kena mwa palisa, kupahama mwa kushoshela kwa yona.

¹⁰⁶ Cwale lu fumana cwana, kuli ha lu kala ni Kreste, lu hula ka nzila yeswana, kakuli lu hulela mwa sishemo ni mwa sabo ya Mulimu.

¹⁰⁷ Mulelo fela wa Mulimu o lukisizwe, kwa lusika lufi kaufela, ki Linzwi la Hae. Mwana Hae ataha ku to bonahalisa sepiso kaufela yene sepisizwe mwa lusika lwa Hae. Bapolofita kaufela ne ba tile fela ka nako yeswana, nebali Linzwi la Mulimu le

ne li pila mwa lifasi. Nebali Linzwi. Jesu na bulezi kuli nebali “balimu.” Jesu na bizize bapolofita bani kuli, “balimu.”

¹⁰⁸ Muuna yomuñwi na ni katani mwa mukopano wa mafelelezo one Ni nani, ki hali, “Wena u muituti wa za bulapeli ya sitimbi.”

¹⁰⁹ Mi se Nili, “Ha ni ipuleli kuba alimuñwi.” Se nili, “Linzwi ha li tahangi ku muituti wa za bulapeli; lituto za bulapeli kona ze tahanga kulona.” Linzwi la taha... Mwabona? Se nili, “Lituto za bulapeli fela kona ze tahanga ku muituti wa za bumulimu. Kono,” Se nili, “lu bulela fa nto isili fela.”

¹¹⁰ Cwale lufumana kuli, mwa lusika lufi ni lufi, Mulimu ha na bulezi kuli taba yeñwi ika ezahala, ki yo mutu yomuñwi ataha mi a to talelezwa ona cwalo, kwa taha sicaba sene si ti lo pila ona cwalo. Yani neli Mulimu yena Kasibili yana pila mwa sicaba, kakuli ne li alaba Linzwi la Hae.

¹¹¹ Cwale, nzila ya Mulimu fela ye lukisizwe mi ki mulelo fela o lukisizwe, kacenu, ki yena Mwana Hae, kuya ka Linzwi la Hae la lusika lo, le li filwe mata ka Moya wa Bupilo bwa Hae, ku fiwa mata.

¹¹² Cwale luna ni likolo zetuna za lituto za bulapeli. Mi linako zeñata ha lu eza cwalo... Hakuna ze lu nyaza fateni, batili kutokwa. Kono, mwa bona, ha una ni sikolo sa lituto za bulapeli...

¹¹³ Jesu naize, ku Muñoli Joani 4, “Nako ya taha, mi cwale se i fitile, foo Mulimu, kakuba Moya, uka lapelwa mwa Moya ni mwa Niti.” Cwale batu babañwi bana ni Moya, habana Niti. Babañwi bana ni Niti, habana Moya.

¹¹⁴ Kacwalo kuswana fela inge hane lu kaba ni mota yetuna, mi lu ya kokuñwi mwa Cadillac. Mi sibeli sa ma Cadillac ao na ezizwe pangilwe ka kuswana, mi lwa a kasha kwande koo mi lwa... kwa mingomo, mi bubeli bwa zona lu li taze ka mafula. Mi mwa liza iliñwi ni kuliza yeñwi. Kihande, mu talima fande, ni kubulela kuli, “Sipula si iketile. Mukoboco ki omunde, una ni litamiso za daimondi. Mi ya benya, ki yende. Oh, a ku ikinele fela mi u lobale.” Mi, oh, lika zeñata zemukona kueza, ku yeñwi ni yeñwi, kono, mwa bona, iliñwi ya zona... Kaufela zona lina ni lisipi ze lukile, kono iliñwi ya zona kona ye na ni mata. Mwa bona, mwa kona kuziba lisipi, kono si lwala mata kuli lisipi li tuke, kuli likase ku sebeza.

¹¹⁵ Mi bwani kona butata bo buli ni keleke kacenu. Lu tezi fela lituto za bulapeli, kusina mata ku zona. Yeo ki niti. Mwabona?

¹¹⁶ Ka manzwi amañwi, u lukela kuba ni mulilo kuli utukise mafula, ku si cwalo mafula ana tuso mane... Mane haana tuso aswana fele sina mezi, haibile fela haana mulilo ku ona. Kacwalo, kona mo kuinezi cwalo.

¹¹⁷ Hakuna taba kamba lu lutilwe cwani hande, mo lu ka lumelela hande, ni buñata bwa mo lu ka bulelela kuli Bibele ye ki

niti, mi lu lumela kuli ki ya niti kaufela, ina ni kuba mata—mata ateñi alukela kuba ku yona, kuli atuke mulilo, kuli Linzwi lani li tumbuke mulilo, kuli ikale ku pikuluha. I na ni kuba ni zeo. Haiba u sa ezi cwalo, keleke i ka ina i kuzize, mota ika yema ikuzize, ni wena uka ina u kuzize. Kono hakuna taba kamba ubulela cwani kuli, “Na utwa makeke. Na lumela Linzwi kaufela la Yona.” U lukela kuba ni sa ku cakulisa sani, kuli mushini wani wa wani handeleti u kone kulila, mi ni Keleke yetuna ya Mulimu ika zwelapili ku zamaya. Ina ni kuba ni mata ni libelekiso. Hakuna se si fosahalile mwa libelekiso, kono kusina mata.

¹¹⁸ Mi Ni sepa kuli bwani kona butata bo buli ni keleke kacenu, lu tokwile mata a matuna ani, a ku itusisa Linzwi le ni ku Li eza kuba le li pila mwa lizazi le.

¹¹⁹ Martin Luther nana ni libelekiso ni mata, a lizazi la hae. John Wesley nana ni zona, mwa lizazi la hae. Mapentekota neba na ni zona, mwa lizazi la bona.

¹²⁰ Ku cwani he ka lizazi la luna? Ye ki nako isili! Keleke ilukela kuba ye se hulile cwale, itukise ku yo katanyeza Kreste, ka ponahazo ya mbuyoti kaufela ya Na sepisize mwa Bibele, inza belekela mwa Mubili ulimuñwi omutuna wani kwa Na sepisize kuli Uka kopana ni sicaba mi a lapelwe, mwa Keleke yetuna ye ya Hae.

¹²¹ Kono, mwa bona, lu luma bana ba luna kwa sikolo, lu ituta kubala, kuñola, lipalo, litaba za kale kaufela za bapolofita ni lika kaufela. Zeo li lukile, kono kwanda kuli mube ni sesiñwi mwa mulaho wa seo!

¹²² “Oh,” mu li, “kihande, Ni—Ni huwile. Ni bulezi ka malimi.” Zeo ki zende. Na lumela cwalo, nina. Kono zeo ha ki zona ze Ni ambola fateni pili. Mwabona, muka—muka . . . ika hasaka. U li, “Plank-plank, boomp-boomp,” inge mota ya kale yelika kulila haikala. Mu li, “Eehe, Na lumela *cwalo*. Na lumela *cwalo*, nina. Kono, kono ha li taha ku *se*, mazazi ani, oh, batili. Batili!”

¹²³ Ina ni buhali bo bulikana mwanda kwa lubilo, muzwale, ni genereta yeswanelia kwa mulaho wa yona, i ka tukisa Linzwi la Mulimu kuliba kwa sepiso ya Lona. Yeo ki niti.

¹²⁴ Bwani kona butata bo bu li ku luna kacenu, lu batile kutaha fa katala. Lu bata kulumela *se*, ku lumela *sani*.

¹²⁵ Ni bulela nto yeñwi, ka Se. “Kihande, Ha ni zibi.” Kihande, Bibele ibulezi ona cwalo! Ao kona mafelelezo. Haiba Mulimu na bulezi cwalo, si lukela ku ezahala. Haiba luna . . . Haiba sani kona sa bulezi Mulimu kuli lu eze, lu lukela kueza ona cwalo. Ina fela ona foo kufitela Mulimu atukisa ka mulilo, mi kapili ukala kumata hape, mwa bona. Hausa ezi cwalo, uka tunyisa ma pulagi abe fela musili. Mi kacwalo lu tokwa nto ye shutana, lutokwa sika se si ka lu tumbula mulilo.

¹²⁶ Mi mulemuhe, isiñi fela kuli U taha ka Moya o Kenile, ka kuituta kwa Linzwi la Hae, U bonahalisa Linzwi lani. Cwale muhupule, bapolofita ba lumela Linzwi. Ba amuhela Linzwi la Mulimu. Mi Mulimu Moya o Kenile wa taha ku bona ni ku to sulula sepiso yani, mi wa to i taleleza. Oh, mawi! Ki mañi ya ka nyaza sani?

¹²⁷ Jesu naize, “Ki mañi ya kona ku Ni nyaza ka sibi? *Sibi* ki ‘kusalamela.’ Kaufela sa na ñozi Mulimu ni se ne ba bulezzi bapolofita, Kina Kalabo. Se ne ba bulezzi kuli Ni ka eza, Na si eza.” Na tile sina mupolofita, yena Mwana mutu. Sani kona sa Nali sona luli, ni sa Na pakile kuba sona. Nali cwalo. Kiñi? Mata naliteni fani kuli a cise libelekiso. Nali yena libelekiso, Mwana Kasibili, mi Ndate nali yena mata. “Ha ki Na ya eza misebezi, ki Ndate Ya pila ku Na. U ka hasaka mata—mata—mata ani ni kueza kuli sibyana sani si zamaye. Uli konisa kuezahala.”

¹²⁸ “Ki lili fo Ni kile na bulelela sika . . .” Sina Samuele hana bulezzi nako yeñwi kwa sicaba, “Kana Ni kile na mi bulelela sika kaufela, ka Libizo la Mulena, kono kwanda se si ezahalile?” Mwabona? “Ki lili fo ne Ni bulelezi, mi ki lili fo li sika ezahalela?”

¹²⁹ “Oh, wena, so lu bulelezi kuli si ezahalile, kono niteñi lu sa bata mulena kupale kumane.”

¹³⁰ Cwalo kona mo ku inezi kacenu. Batu babata ku swalelela kwa mihupulo ya bona ye nyinyani. Ba bata kuswalelela kwa lituto za litumelo za bona. Ba bata kuswalelela ku se. Mi kubulela ka zaancafazo mwa lizazi la luna, lukona cwani kuba ni ancafazo lika inge li sinyehile cwana? Mafula a mota a kopanyizwe ni mezi mwateni, mikwa ya milola kaufela ni lika za kacenu zetampakani mwateni.

¹³¹ Ne ni sweli kutaha mwa mukwakwa zazi leliñwi, mi ne ku ñozwi zeñwi, za mufuta wa mulola omuñwi, kuli, “Ha u lukeli kutapisa mikeke, nto fela yo na ni kueza ki i cimbeka mwa mezi ni ku i zwisa mwateni.”

¹³² Na hupula kuli, “Ni ka ba ndwalume mwa ndu yaka.” Ni yo itekela ka kwakwati ka mulola woo.

¹³³ Mi se Nili ku musala ka, “Zwelapili cwalo, mulatiwa, tuhela ni tapise mikeke.”

¹³⁴ Na hupula kuli, “Mushimani, micaha bani ba ziba ze ba bulela, ba sayansi bani. Ni ka mu bonisa mwa ku ezeza. Ni ka, uka . . . kufitela a lemuha fela, ze Ni sweli kueza. Ki kuicimbeka fela mwateni ni ku i zwisa, kona fela za kueza.”

¹³⁵ Banana ne ba cile mai kwa mukushuko wabona. Mi se Ni sela mulola wo mwateni, ni ku i cimbeka, ni ku icimbula, hape na i cimbeka ni ku icimbula. Ne i sa na ni maii ayona. Eeni, sha. Hani lumeli sika kaufela se Ni utwa fa mazimumwangala, ni hanyinyani. Batili, sha. Batili, batili. Batili, luli.

¹³⁶ Kona ze Ni sa lumeleli mulao kaufela wa ipangezi mutu kuli ukone kuyema. Mulimu una ni nzila iliñwi ye lukisizwe. Ha ki ba Methodist, Baptist, Presbyterian; kono ki Jesu Kreste, ka Kupepwa sinca, inza lumela Bibele yani. Yani kona nzila ye lukisizwe ki Mulimu, mi nzila fela inosi Ya ezize ka yona, ki ku Jesu Kreste, Mwana Hae. Mi, ku Mwana Hae, U beile Libizo la Hae. La Hae, Libizo la Mulimu ki Jesu, kakuli Na tile ka Libizo la Ndate Luli. Mi kacwalo leo ki Libizo la Mulimu, kakuli Nali yena Mulimu.

¹³⁷ Cwale mulemuhe, ona mata amatuna a Mulimu a taha ku mwana mushimani wa Mulimu, a mu fa mata, ona Moya wa Bupilo u kena ku yena. Konakuli a eza sikamañi? A ba inisa mwa libaka za Mahalimu, ona fa cwana. Isiñi kuli “bakaba cwalo.” Lu cwalo ona fa cwale. Cwale lu se lu zuhile kale, mata ni libelekiso li keni mwa musebezi, ku lu fa mata, mi lu filwe mata a pilisa fa Pila Mulimu, ko kuna ni Moya wa Hae. Mi cwale luinzi hamoho mwa libaka za Mahalimu, ku Kreste Jesu; ku Kreste Jesu, lu inzi fani, sipula sesituna sani se... se si tukisizwe kale mulilo, lu zusizwe kwa bafu. Lu siemba sa yona. Haiba u siemba sa Munyaliwa, u cwalo, kakuli Munyaliwa ki siemba sa Munyali, mwa ziba. Kacwalo lu fumana kuli ki nto yeswana, mi Uka eza ona cwalo fela ze bulezwi ku Yena kuli aeze mwa lizazi le. Haana kuba wa Laodesia, isiñi ka mukwa kaufela wa kufutumala fela. Kono Ukaba fa mulilo wa Mulimu, Uka zamaya mwa Moya wa Mulimu.

¹³⁸ Cwale lu talimela fa cwale kuli lu batisise. Cwale halu, cwale ka yona nako yeswana ye mo i ezeza, yeo se si lu tahela; mi, kanti, lu shwile hañwi kwa sibi ni bumaswe, milatu, nitaluse, Yena... lu filwe mata a pilisa kwa Linzwi la Hae la lusika lo.

¹³⁹ Cwale ha lu nahaneñi ka kukuta mwa linako za kale, ka mutu ya na filwe mata a pilisa ka Linzwi le; lu si kaba kale ni sebelezo ya litapelo za bakuli. Ha lungeni batu babanyinyani, mutualime mikwa ya bona.

¹⁴⁰ Halungeni muuna fa yana bulukile Linzwi la Mulimu kaufela, kwa mulaho mwa Testamente ya Kale, wa libizo la Enoke. Na filwe mata hahulu ka Linzwi la Mulimu, kuli a pakiwa, kuli, “Na tabisize Mulimu.” Nekusina nihaiba nto iliñwi yeo Mulimu na laezi Enoke kuli aeze kono kaufela ki za na ezize.

¹⁴¹ Ha ni zibi kuli ku kona kuba bo Enoke babakai mo musihali cwana, kuli, haiba u ziba kuli zeo li mwa Linzwi la Mulimu? Ki babakai ba mina basali baba kutile milili ba ba kona kuipiza kuli bo Enoke, mwabona, mwabona, kono inge muziba kuli Mulimu wa nyaza zeo? Ki babakai ba mina baana, ba ba lumeleza bahame bao kueza cwalo mukona kuipiza bo Enoke? Oh, mawi! Yeo ki nto iliñwi fela, kucwani he ka likitikiti? Mi lwa fipelisa babañwi, luli, “Ni wa siemba *se*, mi Ni wa siemba *sani*.” Wakona kuba wa siemba sani, kono... kufitela ukena mwa sibaka sa lukisize

Mulimu! Mi ha ukoni kukena mwatereni konji haiba u ba siemba sa Linzwi lani. Mi, kakuba siemba sa Lona, ube kaufela Lona, u ipeya kutwela lika kamukana. Mulemuhe, luna ni se fa seo Bibele i biza “Linzwi la Mulimu,” mi, kaniti, luli ki lona Linzwi la Mulimu.

¹⁴² Cwale lu fumana kuli Enoke natile mwa nzila ya lukisize Mulimu, ka Linzwi la Hae, ni ku zamaya lilimo ze mianda iketalizoho, mi a Mu tabisa. Mi lu fumana kuli lisipi ne li petehile hahulu ku yena, kuli mata ha kala kubeleka mwa mushini, A mu nanula fela kuzwafafasi. Na ngile fela musipili ulimuñwi wa fulai, cwalo, kuliba Lihalimu. Inza beleka fa libelekiso za Mulimu ni mata, hamoho, “na si cwalo,” kakuli Mulimu na mu ngile kuzwa mwa lifasi, kusina lifu. Yeo luli ki niti. Na sweli kuzamaya ka nzila ye lukisizwe ki Mulimu.

¹⁴³ Ki nto yeswana ye lu fumana ku Elia. Elia wa kale na halifezi bo Jezabele babañata hahulu bani bene ba ipentaka kwa lifateho, ni kukuta milili ya bona, ni zeñwi cwalo, ze ne ba itusisa mwa lizazi lani, muuna muhulu na sa pilile ka kulwanisa fela sibi mwahala basali bani, kakuli nebana ni musali, Jezabele, kwani ya na lukela kubonisa mutala.

¹⁴⁴ Kuswana fela sina Hollywood ya mina mo, mi muna ni likaizeli kaufela mwahala zona kwande kwani. Mi, Jezabele u sa pila, mwakona fela kutalima kwa ni kwa mi mwakona kubona kuli wa pila. Mi usali mwa mata amatuna, ni yena.

¹⁴⁵ Cwale lu fumana kuli, muuna muhulu neli mupolofita, na kutile nto yani ni lika kaufela, na pilile ka kupetahala mwa tato ya Mulimu. Fani bakutazi babañwi kaufela hane ba fokola, yena a pila ona kwani ni Lona.

¹⁴⁶ Mi zazi leliñwi a kataha hahulu, kuli, Mulimu aluma koloi kuzwa kwa Lihalimu, ni lipizi za mulilo, mi ya mu pamula. Na tezi hahulu mata atisa kwa bupilo ani! Munahane fela, ka Linzwi la Mulimu mwa pilu ya hae, na tezi hahulu mata atisa kwa bupilo ani ana mu file mata!

¹⁴⁷ “Haiba Moya wa Mulimu, Uka . . .” Ni lumela kuli lu ifumana mwa Maroma, 11, kamba, 1:11, “Haiba,” ibulela kuli, “Haiba Moya . . .” Kamba, Maroma 8:11, ki yona, “Haiba Moya ono zusize Jesu kwa bafu upila ku mina, Uka fa mata kwa mibili ya mina ye shwa. Haiba Moya ono zusize Jesu kwa bafu, haiba—haiba Uba ku mina, Uka fa mata kwa mibili ya mina ye shwa.”

¹⁴⁸ Kufa mata! Kana linzwi lani li talusa sikamañi *kufa mata?* Linzwi la Sigerike litalusa kuli, “ku tiswa kwa bupilo kasamulaho wa lifu.” Haleluya. Woo kona munyako wa milapelo. Kulapela mwa Moya ni mwa Niti, libelekiso ni mata, hamoho. Mwabona se Ni talusa?

¹⁴⁹ “Haiba Moya ono zusize Jesu kwa bafu uina ku mina, U ka fa mata a pilisa, ku pilisa mibili ya mina ye shwa, kakuli Seli Bupilo kale.” Mi ha U taha mwa mubili wa mina, U tisa mubili wa mina

kaufela mwa ku utwela ona Seo. Ku ipeya ku utwa sikamañi? Linzwi la Mulimu. "Haiba li ku mina."

¹⁵⁰ Cwale haiba ki nto yeñwi ku mina, ye mi bulelela, "Kihande, ani neli mazazi a kale. Mi Mareka 16 ha ki ya niti, ni mulelo wa Pentekota wa kolobezo ya Moya o Kenile." Wani ha ki Moya wa Mulimu ku wena. Hanina taba kamba ulutilwe cwani zende, wena, wo ha ki Moya wa Mulimu. Mu li, "Kihande, boma neli ba siemba *se*, mi bondate, mwahala myaha, ni muzwale waka." Kaufela zo bata kubulela kuama bahabo wena, ni zeñwi cwalo, zeo ne li kaba zende ka bona; kono ha ki za hao, wabona, mu u lukela kutaha mwa lizazi le ku Kreste Jesu, kwa lusika lo ni sepiyo ye filwe kwa lusina ona loo.

¹⁵¹ Mulemuhe, lu fumana kuli ona mata amatuna afa bupilo ani na natile Enoke, a mufa mata a pilisa kuli mane aya kwa Hae kusina kushwa.

¹⁵² A to nata Elia, a mufa mata a pilisa kuli mane aya kwa Hae kusina kushwa.

¹⁵³ Lu fumana kuli mubakweli wa hae neli Elisha, ili mufuta foo wa Kreste ni Keleke, Elisha. Elia na ezize limakazo zene, mi Elisha na ezize limakazo ze ketalizoho ka zetaalu. Nana ni kabelo yeswana habeli, inge ye ne suluhezi fa Keleke. [Hakuna manzwi fa tepu—Mu.] Kasamulaho bamano ba ni muuna ya shwile, ba mu nepela kwa masapo a hae, mi ataha kwa bupilo. Ona mata afa bupilo ani nali mwa libita ni yena. Hamukoni ku...

¹⁵⁴ Ona ateni mwani kamita, ha uba ni ona mata atisa kwa bupilo ao a Mulimu, ka kufiwa bupilo ki Yena cwale.

¹⁵⁵ Cwale muhupule, ku Kreste, lu nama ya nama ya Hae, lisapo la masapo a Hae. Mulimu ha na holofalize Kreste fa Kalvari, Na holofalize na ni wena. Lu nama ya nama ya Hae, ni lisapo la masapoa Hae, mubili wa mubili wa Hae, Libizo la Libizo la Hae, Munyaliwa wa Hae. Mwabona, lu inzi ku Yena, lu nama ya Hae ni masapo a Hae.

¹⁵⁶ Mi Mulimu u lu zusize kale, ka manzwi amañwi. Ona mata atisa kwa bupilo ana lu zusize kwa bupilo bwa sibi bwani, ni ku cinca butu bwa luna, a lu zusize kale mane ku Kreste Jesu, zeo, zuho i ka lu tisa mwa kuhula ko ku petehile.

¹⁵⁷ Cwale muhupule, ne lu shwezi ka libizo la luna, ne lu pumbekilwe, ni kuzuha ku Yena. Mwabona, ha lu sali ba luna ni hanyinyani. Ili mane, lona Libizo lelituna lani la "Jesu Kreste" leo Bibele ibulezi mo mwa Maefese 1:21, kuli, "Sibeli sa mabasi, mwa Lihalimu ni lifasi, a biziswa ka Libizo lani." Fani kona fana beile Mulimu Libizo la Hae. Leo kona Libizo la lubasi lwa Lihalimu. Leo kona Libizo la lubasi mwa lifasi.

¹⁵⁸ Mi lu ku Jesu Kreste, ka kolobezo ya moyo, isiñi ka mezi; ka Moya, lu kolobelizwe mwa Mubili ulimuñwi, ili yena Kreste,

sibaka sa ku lapelela. Mi, ka kuba mwani, lu ba fa sibaka se, kuswana sina pampili ye yemala muña sika.

¹⁵⁹ U li, “Ni lekile siemba sa mubu.” Ha ki sa hao kono konji ha u na ni pampili ya bupaki. Kono haiba una ni pampili ya bupaki, i bonisa kuli lika kaufela ze lwanisa sibaka seo li zusizwe kwateni.

¹⁶⁰ Mi cwale hause ubile Mukreste ni kuamuhela Kreste kuba Mupulusi wa hao, kipeto, foo Mulimu u luma pampili ya bupaki, si bonisa kuli hakuna taba kamba bo ndataho ne ba ezize sikamañi, bo maho ne ba ezize sikamañi, sa ezize mutu ufi kaufela; bo maho, bo ndataho mwendi ne ba kolwanga, mahule; kaufela seo nebali sona, sibi kaufela si natilwe! Una ni pampili ya bupaki. Hakuna se si kona ku ku zusa ku yona. Mi, utalime, lika kaufela zeli mwa mubu wani ki za hao! Amen. Mi cwale hamuli ku Kreste Jesu, ka kolobezo ya Moya o Kenile, mpo kaufela ya Mulimu ki ya Keleke. Amen. Ki pampili ya bupaki. Wena, ki ya hao, ki ya hao. Si fa mata kwa mibili ya mina ye shwa. Oh, mawi, kambe ne luka nahana ka zona!

¹⁶¹ Ha lu talimeñi ku bani baba sepahala kwa Pentekota. Nebali mwa ndu ya fa halimu fani, mi kaufela bona kakuli ne ba saba. Nebana ni, nebana ni—ni lilumbatina, ku lukile, kono ne ba saba. “Mi ona fani fela kwa taha mulumo o zwa kwa Lihalimu,” pampili ya bupaki ya ba tahela, “inge moya wa liñungwa, wa tala ndu kaufela mo ne bainzi.” Mi ba tala mata ka Ona, kufitela mane bupyeha bwa bona kauflea bone buli... Alimuñwi wa bona na saba, kuli nihaiba kulatula kuli na si Mufarisi mane, kamba na si Musaduki pili. Kono cwale Moya o Kenile wani ha u to mu kolobeza ku Jesu Kreste, a toba nama ya nama ya Hae, lisapo la lisapo la Hae, Linzwi la Linzwi la Hae. Nali pupo yenca. Nali mutu yomunca. Ne ufile mata kwa mibili wa hae.

¹⁶² Mutualime se ne I ezize, se I eza ku mina ha I taha. Ha si mi isi fande ni kubulela kuli, “Ni wa Methodist. Ni wa Baptist. Oh, Na ziba kuli ha Ni lukeli ku zubanga. Ha ni lukeli kuezanga se. Ha ni lukeli kutinanga liapalo ze cwalo. Ha ni lukeli kueza ze. Ha ni lukeli kueza *cwalo*.” Li mi fa mata hahulu kufitela mu ba ni kueza cwalo. Li fa mata kwa mibili ya mina ye shwa.

¹⁶³ Mutualime, Ne ufile mata a pilisa kwa mibili ya bona, kufitela hane ba pahami hahulu bukaufi ni Lihalimu kufitela ha U to fa mata kwa mibili ya bona kuli ba bulela ka mushobo o ne ba si ka utwa kale fateni. Ne ufile mata kwa mibili ya bona, ba bulela ka mushobo o munca wa Lihalimu. Ne ba filwe mata a Kubateni kwa Mulimu, ka kolobezo ya Moya o Kenile. Mata a Mulimu afa bupilo na ba kolobeelize ku zani. Nebali mwa sibaka sa ku lapelela nako yani. Nebali kone bakona kulapela. Ba Sanhedrin kamba nto ifi kaufela hakuna ye ne ka ba lyanganisa, kakuli ne ba filwe mata a pilisa. Nebali batu ba banca. Fani ki kasamulaho ba mana ku kolobezwa.

¹⁶⁴ Mutualime Setefani yomunyinyani. Na tile ka nzila ye lukisizwe ki Mulimu, a fiwa mata a pilisa a Mulimu; natile mwa munyako, nzila ya lukisize Mulimu. Mi neba ha ne bailo mu bulaya, ku mu pobaula ka macwe kuisa lifu, ki hali, "Ni bona Lihalimu li kwaluhile, Jesu uyemi kwa lizoho la bulyo la Mulimu." Ani kona mata atisa kwa bupilo. Na filwe mata mwa sifuba sa Hae.

¹⁶⁵ Neku na ni Filipi, yomuñwi ya na tezi mata atisa kwa bupilo. Lu mu fumana kwa Samaria kwani, inza sweli ancafazo yetuna. Ona mata atisa kwa bupilo aa, kasamulaho anali ku Kreste, ataha mo ne kuna ni batu ba baeza sikit bene ba mu teeleza. Mi ki Hali, "Cwale zwa fa, Filipi, Ni bata kuli uye mwa lihalauape le, la Gaza, fa. Ni na ni muuna kwande kwani, ye ni bata kuli ukopane ni yena." Mi hakuna puzo, hakuna puzo ni yekana, na tezi fela mata atisa kwa bupilo ani. Nali ku Kreste, nali mwa sibaka se si lukisizwe sa na kona kubulela Mulimu ku yena. Mulimu na ambozi ku yena. Ne ku sina puzo.

¹⁶⁶ Kuli, "Kihande, Na bulezi ni na ni ku ni aambota kuli Ni ka foliswa, kono, Ha ni zibi cwale, Ni ikutwa bumaswe hahulu kacenu." Oh, mawi! "Kihande, U ni bulelezi kuli Nina ni Moya o Kenile, mi fokuñwi Na kakanya."

¹⁶⁷ Filipi na zibile handende Linzwi la Mulimu, kakuli na tile ka nzila ye lukisizwe ki Mulimu. Na si ka buza Mulimu, ka za kuli, "Kihande, Mulimu, Nina ni zeñata hahulu mo, ze Nina ni kuyemela. Ni na ni kubona mutoneli wa puteho Ni si ka eza kale. Ni lukela ku yo ambola ni bishopu," ne kusina sika ka zona. Na hupula za Mulimu, ona mwa lihalauape mwa na zamaya mwani!

¹⁶⁸ A fumana muuna alimuñwi, yanali nduna, wa mu Etopia, mutu yomunsu ya na sweli kuitamaela, inza bala Liñolo ku Isaya. Mi ki hali, "Kana wa utwisia so sweli ku bala?"

Ali, "Kana Ni kona cwani kwanda kuli mutu ani lute?"

¹⁶⁹ Filipi akwela mwa koloi mi akala ku ambola ni yena ka za Mulena.

¹⁷⁰ Ki hali, "Mezi ki a, ki sikamañi se si ka ni paleliswa ku kolobezwa?"

¹⁷¹ Ki hali, "Haiba u lumela ka pilu ya hao kaufela, moyo wa hao kaufela ni maikuto, mata." Å tuluka mwa koloi ni ku mu kolobeza.

¹⁷² Mi Filipi na tezi hahulu mata afa bupilo ani, kufitela, A mu likelisa mwa meto a hae. Munahane! Mwa mubili wa hae o shwa, sibupeho sa hae sa butu sa ngiwa, a zwa mwa meto a nduna. Ni lumela kuli yeo ki niti. Mulimu na ka muisa kusili fela, kwa Na mu tokwa. A ngelwa.

¹⁷³ Mwa ziba, lifu mane halikoni kuzwisa sika seo ku wena, ha uli ku Kreste, mwa sibaka sa Mulimu.

¹⁷⁴ Amutalime kwanu, Mushe nana ni sona. Na li mupolofita yoo Linzwi la Mulena ne litile ku yena. Hakuna babañata . . . ki bo Kora babakai bene ba zuhile ni kubulela kuli, “Lu tokwa kopano yetuna. Cwale ulika kunga sibaka sa kuba mutu ya kenile anosi fela.” Mulimu ali, “Ikambuse kwatensi, Ni ka ba miza fela.” Mi bo Datani, ni ba bañwi cwalo, ne ba si ka mu bilaeza, na zwezipili kuya ona cwalo.

¹⁷⁵ Mi cwale Mushe hana shwile ni ku pumbekwa, ka Mangeloi, mata afa bupilo ani na inzi ku yena. Kakuli, myaha ye mianda ye eiti kasamulaho, ki yo fa uinzi mwa naha ya sepiso, inza ambola ni Jesu. Ona mata atisa kwa bupilo ani na sali ku yena. Sani kona sibaka sa Mulimu sa kulapelela.

¹⁷⁶ “Ubulela sikamañi? U ziba cwani?” Na li mupolofita. Linzwi la taha ku mupolofita. Mi nali yena Linzwi la Mulimu leli bonahalile la lusika lwa hae. Amen.

¹⁷⁷ Mwabona, ha ukoni kushwa, u filwe mata a pilisa. Oh, kambe keleke neika bona fela zeo, kuli ha ki sika so ka ba sona, u bile kale cwalo! Ki diabulosi yalika ku ku zwisa ku zeo.

¹⁷⁸ “Kihande,” muli, “cwale Ni ka ku bulelela. Ni wa siemba se.” Hanina taba kamba u ba siemba sifi.

¹⁷⁹ Mu lukela kuperewa, kubupiwa sinca, ku kolobeza ka Moya o Kenile, ku Jesu Kreste, kufiwa mata aswanelia Linzwi kaufela. Moya wa hao, ku wena, uka bulela “amen” kwa Linzwi kaufela la Bibebe. Kwanda sani, haiba si—haiba u nyanganyisa toho ya ona ku yeñwi, mu zuse moyo wani mwateni. Ha ki Moya wa Mulimu o kona ku kananisa Linzwi la Mulimu. Ona u ka buluka Linzwi la Mulimu. Ha u Li lumeli fela, kono u Li eza le Li pila. Ku bonahaza Linzwi la Mulimu. Eeni, sha.

¹⁸⁰ Mulemuhe hape baba kenile ba Testamente ya Kale bani. Ka manzwi amañwi, mwataswa sitabelo sa kale se, ne ba libeleta yomunca yoo kutaha, nana ni lizwalo lelinde ku Mulimu. Mwa Mateu 27, lu bulelelwa kuli, fani Jesu ha na zuhile ni kuzwa mwa libita. Leo lu sa zo nyakalala biki yefelile fela, Zuho. Bibebe ibulezi kuli, “Buñata bwa baba kenile ba ba lobezo mwa liluli la lifasi, ba zuha mwa zuho ya Hae, mi ba taha mwa munzi mane ba bonahala ku babañata.” Nebali sikamañi? Nebali ponahazo ya Linzwi la Mulimu lene li sepisizwe. Sibaka fela seo Mulimu a kopanelia, mwataswa sitabelo sani.

¹⁸¹ Cwale mwa Matesalonika Bapili 4:16, Bibebe ibulezi hape, kuli, kuli balumeli ba Testamente ye Nca ba ka taha ni Yena nako Ya taha hape, bona baba filwe mata ku Yena cwale. Kana mukena cwani ku Yena? Ka kolobezo ya moyo, mata a Mulimu, sibaka ko Akopanelia teñi, ku Jesu. Cwale Jesu kona nzila ye lukisizwe ki Mulimu.

¹⁸² Cwale mulemuhe, Jesu na ikolwisisa luli ka sa Nali sona! Na ziba kuli Nali Mwana Mulimu. Na ziba kuli Na pepilwe ki mwalyanjo. Na ziba kuli Liñolo kaufela ne li iponahaza Lona

liñi ku Yena. Na ziba handende luli, kufitela Abulelela bayahi ba tempele bani, ba lizazi lani, Ki hali, "Musinye tempele ye, mi Ni ka iyaha ka mazazi a malalu." Munahane ka zeo. "Mu i bulumune, mi Ni ka i yaha sinca hape ka mazazi amalalu." Kiñi? Neli Linzwi le li ñozwi la Hae.

¹⁸³ Davida naize, "Hanina kutuhelela Ya Kenile wa Ka mwa lihele, hanina kutuhelela moyo wa Hae mwa lihele, kamba nihaiiba kuli Ni siye Ya Kenile wa Ka kubona kubola."

¹⁸⁴ Cwale, Jesu na ziba kuli yani neli Yena. Hakuna puzo mwa munahano wa Hae. Mi Na ziba cwalo kuli, lihola ze sebente tu, mubili wa bola, nako yeñwi mwahala lihola ze sebente-tu zani Na ka kutela kwa bupilo hape, kacwalo Ali, "Musinye tempele ye, Ni ka iyaha sinca hape ka mazazi a malalu." Kiñi? Linzwi ne li ñozi za Hae. Ne ku ñozwi za Hae, kakuli Na li yena ponahazo ya Linzwi la Mulimu le ñozwi la lizazi lani.

¹⁸⁵ Kihande, ku lukela kuba zeo, haleluya, ku lukela kuba, muzwale, kwani kokuñwi, Linzwi la Mulimu le li bonahalile kacenu. Mi yeo ki nto yeswana, kakuli Na bulezi ka mazazi aa mi Na bulezi sene si ka ezahala mwa mazazi aa. U lu bulelezi kale. Lwa ziba se si ka ezahala. Mi lwa li bona ha li iponahaza ku wena, konakuli foo u mwa Keleke ya Mulimu. Kwande a zeo, wakona kuipiza kuli u, "Methodist, Baptist," kamba sika sifi kaufela, zeo halina kubeleka. Ne kuna ni fela sibaka silisiñwi sa makopanelo, seo ki ku Kreste Jesu. Oh, kacenu, oh, kamo Ni batela kuli kacenu mutu kaufela abone seo, kubona mwa ka kenela, ku za ku kolobezwa. Munyaliwa ki siemba sa Muuna hae. Keleke ki siemba sa Linzwi, ili yona ponahazo.

¹⁸⁶ Cwale ki keleke mañi yoli ku yona? Kana u kopano fela nji? Haiba u cwalo, Ni ka ku bulelela hande cwale, u mwa Laodesia. Kono haiba u ku Kreste, u sibupiwa sesinca, mi u mwa Keleke ya Mulimu yapila, ka ponahazo ya lika zeswana luli za Na ezize mwa lizazi la Hae zeo li ka kuta fa mwa lizazi le, kueza lika zeswana za Na bulezi kuli Li ka ezahala. Mi, yeo ki Keleke ya niti. Mukena ku Yona ka kolobezo ya moyo, isiñi ka kuikopanya, isiñi ka zeñwi hape, kono ka ku kolobezwa ka Moya o Kenile mwa Mubili wa Hae. Ku lukile. Ki nzila fela ye lukisizwe ki Mulimu yeo A lu tomezi kueza, ki ku kolobezwa mwa Mubili wa Hae, ka Moya wa Hae.

¹⁸⁷ Jesu naize, ku Muñoli Joani 14:12, "Ya lumela, ha sa li ku Na!" Ki kabakaleo batu ba bulela kuli mazazi a limakazo a felile, ki kabakaleo ba bulela lika ze. "Ya lumela ku Na, isiñi kulumela fahalimwa Ka, kono alumela ku Na, misebezi ye Ni eza u ka i eza ni yena." Kiñi? Ki Bupilo bwa Hae. Ki mata a Hae mwa libelekiso za Hae, ze li ku mina, kona a li tumbulisa, yetisa kuli misebezi i ezahale sina mo ne i sepiselize kueza. Kamba, bupilo bwaka ku Yena, bu ni file mata a pilisa ka Moya wa Hae, kuli aeze Linzwi la

Hae, ili libelekiso, ze beleka ka mata a Hae. Maheberu 13:8, “Jesu Kreste ki ya swana maabani, kacenu, ni kuyakuile.”

¹⁸⁸ Cwale hape mwa Mareka kauhanyo ya 17, timana ya 30, ya Muñoli Mareka. Muteeleze, lwa kwala. Jesu na sepisize lika ze mwa mazazi a maungulo, kuli Yena ki “ya swana maabani ni kuyakuile.” Na sepisize, mwa Malaki 4, kuli Uka “fetula lipilu za sicaba, mwa mazazi a maungulo, ku kutela kwa Tumelo ya bashemi.” Na sepisize cwalo. Na sepisize, libaka zeñata hahulu mwa Bibele, lika za Na ka eza. “Kakuli mwa nako nyana fela lifasi halina ku Ni bona, kono mina mu ka Ni bona; Ni kaba ni mina, ku mina kamita, mane kuisa kwa mafelelezo a lifasi.” Mi mulemuhe ku Muñoli Luka hape, 17:30, “Sina mo ne kuinezi mwa mazazi a Sodoma!”

¹⁸⁹ Mwa ziba sene si ezahalile mwa Sodoma? Mutualime mwa California; isiñi fela California, United States; isiñi fela mwa United States, kono ki lifasi loote.

¹⁹⁰ Mutualime ku musizana ya takani yoo! Kiñi, ne luna ni... Ne ni mi bulelezi zazi leliñwi, ne ba sweli kunga litaba za likolo kwani kwa Arizona ko Ni pila, mi eite pesenti ya bana mwa likolo bana ni kusitana mwa booko. Kana bana ba bona bakaba sikamañi? Halukoni kuba ni lusika lusili. Lu kwa maungulo. Jesu na bulezi kuli lika ze lika taha.

¹⁹¹ Mutualime fa mazimumwangala kaufela ni lika ze sweli ku lukisa litaba ze ka mulao. Ku ka taha nako, Na nuha, kuli sicaba si ka lyangana luli, kusitana kaniti, lifasi likaba cwalo. Bibele ibulezi fa litaba ze sabisa hahulu cwalo sina ze ba bonisanga mwa mafilimu kacenu, ze zwile kwa mai a libatana zeñwi za kale zekile za pila mwa lifasi ka myaha yemiñata luli mwa likitikiti ni ma milioni a zona, a ndondoka ni kutaha cwalo... Yani ki nto yenyinyani fela, ku ze ka ezahala mi lihele ha li kwaluhile ni mioya yemaswe itaha ka ze komokisa za yona kaufela, za basali... kamba linziye ni milili inge basali, ni meno sina litau. Kiñi, lifasi li ka felela luli, mwa bupulumuki. Ha ki kwahule mwendi ki digiri fela iliñwi kuzwa kuzona cwale.

¹⁹² Oh, kwa kanya ya Mulimu, kwa Kutaha kwa Mulena Jesu, kwa Moya o Kenile, ku ba baziba cwalo, kwa Pata ya Mulimu yepila ya Mulimu yapila!

¹⁹³ Jesu naize, ku Muñoli Mareka mwani, Na ize, “Mwa lizazi lani Mwana mutu uka patululwa.” Cwale, muhupule, isiñi Mwana Mulimu. Natile ka mabizo a malalu a bana ba bashimani: Mwana mutu, Mwana Mulimu, Mwana Davida. Ha Na li fa lifasi, Na tile sina Mwana mutu, Na li mupolofita. Mwana mutu ki mupolofita. Jehova yena Kasibili na bizize bapolofita, Jeremia ni babañwi kuli, “Mwana mutu, u bona sikamañi?” Jesu natile, kakuli Nana ni kutaha ku ya ka Mañolo, sina Mwana mutu. Mushe naize, “Mulena Mulimu wa mina u ka mi zuseza

Mupolofita, ya swana sina na.” Mi Na na ni kuba mupolofita, Mwana mutu.

¹⁹⁴ Kono kasamulaho wa lifu la Hae, kupumbekwa, ni zuho, cwale Ubile Mwana Mulimu, yena wa buipiteli, ili Moya o Kenile.

¹⁹⁵ Kono Na sepe size, ku si kaba kale kutaha kwa nako ya maungulo, lifasi likaba sina mo ne li inezi mwa Sodoma, fani Mutu hana tile mwa mufuta wa butu; babalalu ba bona, Mangeloi amabeli ni Mulimu Kasibili. Yani neli Mulimu. Bibebe ibulezi kuli neli yena. Cwale Atahafafasi mi A iponahaza Iliyena fani, ka ku sikululela mukokoto wa Hae kwa—kwa tende mone kuinzi ni Sarah, ni ku bulelela Abrahama sa na nahana Sarah mwa tende. Ki niti yeo naa? Cwale, Jesu yena Kasibili naize, “Ka lizazi leo Mwana mutu ha patululwa,” ka manzwi amanwi, “Mwana mutu, bulumiwa bwa Jesu Kreste yena Kasibili.”

¹⁹⁶ Keleke ika taha mwa kuluka, ka Luther; mwa kukanisawa, ka Wesley; mwa kolobezo ya Moya o Kenile, ka Mapentekota; ni kukena mwa kupetahala kwa Mwana mutu, foo ki fani Muuna ni Musala hae ha ba kaba batu baba swana. Mulimu uka bonahala hahulu ku Munyaliwa wa Hae, Keleke ya Hae, kufitela bubeli bwa ba be ba baswana. Kinto iliñwi. Cwale mwa bona fo luinzi.

¹⁹⁷ Musike mwa swalelela kwa lizo zani ni lituto za litumelo. Ne li ze lukile mwa lizazi la zona, kono palisa se i shoshezi ni kutubula cwale. Ki nako ya peu. Yeo ki niti.

¹⁹⁸ Jesu na sepe size lika ze. Cwale ha lu bona Mulimu abonisa sepeiso ya Hae ipila fapila luna, ni kubona se sili mwahala luna, ni Moya wa Hae upila ku luna; yeo kona nzila inosi fela ya kulapela kayona, sibaka sinosi fela sa kulapelela, nzila inosi fela ya kulapela ka yona, “Kakuli hakuna katulo ku babali ku Kreste Jesu.” Mulimu na file sepeiso. Jesu naize, “Lika ze Ni eza, muka lieza ni mina,” ni sa Na’ka eza mwa lizazi la mafelelezo. Mo li ka tahela mwa lusika lo, hakuna liseli kamba lizazi, ikona kuba nako yakuli—yakuli ki ya lififi, kono ali, “Nako ya manzibwana, ku kaba Liseli.”

¹⁹⁹ Lizazi li pazulelanga kwa upa ni ku likelela kwa wiko. Lizazi le li swana li pazulelanga kwa upa kona le li likelela ni kwa wiko, zwelopili izamaile ni lona. Li zamaile fahalimwa libaka zetalu za mezi, mifuta yemilalu ya kolobezo. Oh, eeni, kuzwa kwa Asia, kutaha mwa Europe; kuzwa kwa Europe, la yo punya mwa England; mi kuzwa mwa England, ku yo punya ni kwa United States.

²⁰⁰ Mi cwale lu kutezi hape, mi fa luinzi mo musihali wo, kwa Likamba la Wiko, koo kuna ni libunda la sibi sa mata kaufela a lififi kulo moo. Bona bihi ba makande ba ni mazimumwangala, ni baana inge ba tubeta basali mwani, ni kufoseza mihupulo ya basizana babanyinyani.

²⁰¹ Kana mwa ziba kuli muuna kaufela ya tubeta musali una ni swanelo ya ku mu nyala kuya ka litaba za muikutekelo? Ka manzwi amañwi ki kezo ya foso. Luli, ku cwalo. Eeni, sha. Ki sikamañi seo? Ki misinga ya muuna mwa mulomo wa muuna, ni maikuto a musali. Mi maikuto a misinga ya muuna ni ya musali ha taha hamoho, kipeto kuba foso.

²⁰² Mutualime Hollywood, mutualime basizana babanyinyani baba lobala mwa libaka za mabapalelo ze, mi bashimani inge ba alabana mwahala basizana baa, ni lika ze cwalo, mi mane ne ba kuopela mwa likwata za ba kwaya. Mi ba bo Elvis Presley, ni babañwi cwalo, bo lunani kacenu, ki maswabiswa kwa libizo la America, ku se ne ba lwanezi bashemi ba luna ni kusululela mali ka sona mane ku shwela fateni.

²⁰³ Kono nako se itile yeo mubuso kaufela una ni kuzwa mwa nzila, kakuli kuna ni Mubuso wa Mulimu o tomilwe mwa pilu ya mutu, ka kolobezo ya Moya o Kenile ni Kubateni kwa Jesu Kreste. Mi Kreste uka taha ku Munyaliwa wa Hae ni ku toma Mubuso fa lifasi fa, osike wa sinyiwa. Kana mukena cwani mwa Mubuso woo? Mwa pepwa ku ona. Kana muziba cwani zeo? Mu buluke fela... Kana ukona cwani kuba mwa mubuso kanti upalelwa ku lumeliana ni mulena wa ona? Mwabona, ne mukába... Mi Mulena ki Linzwi. "Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi la ezwa nama mi la to yaha ku luna. Yena ya swana maabani, kacenu, ni kuyakuile."

²⁰⁴ Ne ba zibile cwani kuli Nali yena Mwana mutu? Na talimile kwani mwahala sicaba ni ku lemuha minahano ya bona. Lu ziba kuli yeo ki niti. Yena wa swana kacenu. Kana mwa lumela cwalo?

²⁰⁵ Kana Billy ufile kwateni makadi a litapelo? Zeo ki zeñwi za litaba ze Ni libezi ku mu buza. Kana ufile makadi a litapelo na? [Kopano ili, "Eeni."—Mu.] Ufile makadi a litapelo. Ku lukile.

²⁰⁶ Ni ka mi bulelela. Haiba muna ni tumelo yeñata, Ni na ni tumelo ya kulumela kuli Mulimu, Yana file sepiso, wakona ku iponahaza Iliyena kuba Mulimu ona fa, kusina mutu ya kona kutaha kwa katala kwanu. Ni ikutwa kuba ni mayemo amañwi, kuya ka sepiso ya Linzwi la Mulimu yapila. Mutualime kwanu, mutuhele ni mi bonise nto yeñwi. Ona mata atisa kwa bupilo a, luka i tusisa Ona. Halu boneñi ni mi bonise. Ki babakai baba lumela kuli muna ni mata atisa kwa bupilo ani? [Puteho ili, "Amen."—Mu.] Kihande, ki butata mañi bobuli mwa mazoho a mina fa bakuli?

²⁰⁷ Balutiwa bani ha ba amuhela mata a tisa kwa bupilo ku bona, ka Lizazi la Pentekota, ki sikamañi sene ba ezize? Ba yo beya mazoho fa bakuli, mi ba foliswa. Jesu naize, mwa Mareka 16, "Li ka zwelapili kuisa kwa mafelelezo a lifasi." Ku kanga nako yekuma kai, kuisa kwa lusika lwa baapositola? "Muye mwa lifasi kaufela, mukutaze Evangelii kwa sibupiwa kaufela. Lisupu

ze li ka ba latelela baba lumela; ha ba ka beya mazoho a bona fa bakuli, bao ba ka foliswa.” Ao kona mata atisa kwa bupilo sina mwa na inezi kwa masapo a Elia, masapo a Elisha. Mi ona mata a swana atisa kwa bupilo ainzi fa balumeli bene ba zusizwe. Haiba ona mata aswana afa bupilo ani aina ku luna, mubeye mazoho a mina fa bakuli, ba ka foliswa.

²⁰⁸ Ni lemuhile fa, Ni batile kutuhela kuba ni temuho, ni hanyinyani, ni beyanga fela mazoho aka fa bakuli. Ni bile ni lemuha kuli, mawi, lika ze Ni si ka... Ne ni si ka fita kwa sikuwata tuna sa batu, ka manzwi amañwi. Nzila ye, Ni fita hahulu ku ze Ni kile na fita ku zona. Mi Ni fumana linepo zende, ka ku ipeya fela ili mwa mazoho a Mulimu, ni kubulela kuli, “Mulena Mulimu, U sepisize cwalo. Ki sepiyo ya Hao; ha ki yaka, ki ya Hao, mi U sepisize kuli Uka eza cwalo. Mi Ni Ku boni ha u eza cwalo. Mi Ni ka lumela kuli Uka eza cwalo, kakuli Ni kolobelizwe mwa Mubili wa Hao, mi Moya wa Hao fa upaka kuli yeo ki Niti.” Amen. Sani kona sibaka sa kulapelela. Mi ukema mwa sibaka sa kuli, “lika kaufela za konahala.” Mi ufita fa sibaka sa kuli maikuto a—a hao ni milelo, kwa lika zo bata za hao, kaufela liba fela mwa tato ya Mulimu. Mi ha u ka beya mazoho a hao foo ni ku lumela cwalo, li ka ezahala. Kana mwa lumela cwalo?

²⁰⁹ Na lumela, kadi iliñwi ya tapelo isika bizwa kale, kamba sika sifi kaufela, kuli Mulimu Yamata kaufela wakona ku ni bulelela so nani kwande kafoo, ni so no lukela kueza, ni so no sa lukeli kueza. Foo ki kuamuhela mayemo, kihande, Ni ziba kuli yeo ki yende, kono zeo kona za bata Mulimu kuli lueze. Kana mwa lumela cwalo? [Kopano ili, “Amen.”—Mu.] Ki babakai baba ka lumela kambe Mulimu na ka eza cwalo? [“Amen!”]

²¹⁰ Hakuna mutu yainzi kwa pata kuna yo Ni ziba, yo Ni kona kunahana ka yena, kamba kubona mutu kaufela ye Ni ziba. Ki babakai baba ziba, kwande kwanu, luna kaufela lu baenyi, mu nanule mazoho a mina. Ya ziba kuli hakuna se Ni ziba ka wena, munanule mazoho a mina. Kai ni kai mwahala sicaba, ya ziba kuli hakuna ze Ni ziba ka wena. Ni sepa kuli ki kai ni kai, sihulu ona kwanu. Cwale mwendi batu babañwi fela... Ha ni ba zibi. Ne ba si ka nanula fela mazoho a bona, kono Ha—Ha—Ha ni ba zibi, nihakuli cwalo. Ni lumela kuli Ni bona Richard Blair yainzi ona fa. Ni lumela kuli yeo ki niti. Na kona... Ku unsufezifafasi foo. Kuna ni liseli neku *le*. Ha ni boni.

²¹¹ Kono mutualime fa, Ni lika ku mi bulelela, kuli, fani mata atisa kwa bupilo ani ha taha ku mina, ki Jesu Kreste. Jesu ha na beile mazoho a Hae fa bakuli, ne ba fola.

²¹² Fani Jesu hana na ni mata afa bupilo ku Mu fa mata, ka kuba Mutu, Na talima fande ni kuziba milelo yeneli mwa sicaba, ku ba bulelela se ne ba nahana, se ne ba ezize. Mukokoto wa Hae ufulalezi kubona, a ba bulelela nto yeswana, “Kiñi ha mu bilaela

mwa lipilu za mina?" Musali ya na sweli sapalo sa Hae, Ki hali, "Ki mañi ya Ni sweli?" Atalima kwa ni kwa mi a mu fumana, ki hali, "Ni lemuha kuli mata azwile ku Na. Tumelo ya hao i ku folisize." Yani ki Jesu Kreste. Seo si paka kuli Keleke i inzi kai, ni seo mata atisa kwa bupilo luli a Mulimu aeza ku mutu. Kana mwa lumela cwalo?

Halu inamiseñi litoho zaluna fa nako nyana fela.

²¹³ Mulimu Yomunde, lubile ni ndwa ni Satani musihali wo, fa ma maikulofoni aa, ka kuziba kuli sicaba sani mane ne si si kaba ni licika za zona, kutameha ku zani...mwa muyaho sina cwalo. Kono Na lapela, Mulimu, kuli Moya o Kenile unge se ne si lukela kuba cwalo, Mulena, ku lumeleza sicaba kubona kuli ha lu sikuwata sesiñwi fela se si ishwezi se si sepa fela cwalo. Mulimu, lwa pila cwale, lu filwe mata a pilisa ka mata a zuho ya Kreste. Jesu Kreste upila ku luna. Lwa lumela cwalo, Mulena.

²¹⁴ Ha lu ipapati kuba ni kanya ya luna bañi. Inge fa Lilundu la Petuho, koo mañi ni mañi wa luna u yemelwa kwani; nekuna ni Mushe, ya na shwile ni kuzuha hape; nekuna ni Elia, balumeli be ne ba filwe mata baba ka ngelwa ka lizazi lani. Oh, ne ba boni cwale, ha ba talima kwa mulaho, ba bona Jesu fela. Lwa ziba, Mulena, halu lati kuli sicaba si lu bone. Haluyo mo ka mulelo wani. Kusike kwa ba cwalo!

²¹⁵ Kono, Mulena, sa tabisa pilu za luna ha lu bona Jesu a fiwa kanya mwahala luna; ha lu Mu bona ha fiwa kanya, ha lu bona Linzwi la Hae, ili Yena Linzwi; ha lu bona lwa kona ku ipalela lona mo mwa Bibebe, kwa Na sepisize kuli Uka eza cwalo, mi ni ku Mu bona inza beleka ku luna, O Mulimu, mo li lu utwiseza baba ikokobelize, ka kuziba kuli Pata ya Hae ya pila...

²¹⁶ Hakuna ze lu ikopanyize kuzona kamba kubata ñambekelo ya lika. Lu lumela fela, Mulena, kuliba kwa Bupilo Bobusafeli. Mi U lu swaile mwateni ka kolobezo ya Moya o Kenile, ni kufa mata kwa mibili ya luna, ni kufa mata a bupilo kwa mioya ya luna, ni ku lu fa mata a kubona lipono, ni kupolofita, ni kubulela ka malimi, kubona lisupo zetuna ni ze komokisa ha li ezahala. Kiñi, ki Mulimu yapila. Lu mwa Mubili wani. Kanti, kwa lifasi, ki bukuba ku baba shwa; kono ku luna baba lumela, ki mata a Mulimu, atisa kwa Bupilo Bobusafeli. Lwa itumela ku Wena ka zona, Ndate.

²¹⁷ Cwale ha ku zibahale ka lizazi le, Mulena, kuli Wena u Mulimu, kuli Ha u si ka cinca muhupulo wa Hao ka Linzwi li liliñwi leo U kile wa bulela. Mi Wena uya swana maabani, kacenu, ni kuyakuile, mi yena—yena mi kona Nzila fela inosi yeo Mulimu afile. Mutu fela anosi yo Mulimu akile abeya Libizo la Hae ku yena, neli Mwana Hae Luli Yana lwezi Libizo la Hae, Jesu; Mulimu, Jehova, Mupulusi, Emanuele, Munyako kwa mulaka wa lingu; Yana Liteñi, Yali Teñi, mi ni Ya ka Taha; yena Mubisi ni Situndo, sibeli sa Mubisi ni Situndo sa Davida; yena

Naleli ya Kakusasana, yena Mulilima wa mwa Libala. O Mulimu, ha ki bunde ni boo! Ki kabakaleo Isaya naize, “Ki muelezi, Mulena wa Kozo, Mulimu yamata, Ndate wa kamita.” Oh, haluna Ndate usili kwanda Hao, Mulena. Ki wena Ndata luna. Wena u Maa luna. Wena u kaufela seo luli sona, kaufela se lukona kuba sona. Haluna kubona sesiñwi fela kwanda Jesu ya filwe kanya!

²¹⁸ Ndate, Hakulata ni ezize ze fosahezi ku ze, musihali woo, kono unge mihipulo ya pilu yaka, mi u ni utwe, Mulimu yomunde. Mi ha ku bulelwe, zazi le, kuli Jesu Kreste na filwe kanya ona mwa tempele ye. Lumeleza cwalo, Ndate, kakuli lu kupa ka Libizo la Hae, mi ha Ni nze ni libeleta ka buikokobezo ni sicaba se, ku Kubona u zamaya ka Moya wa Hao. Amen.

²¹⁹ Cwale Ni bata kuli mu ni ezeze nto iliñwi ye. Ni bata ku mi buza puzo iliñwi yetiile. Ni bata kuli mu ni alabe sina hane ikaba nako ya mafelelezo yo ne mu ka alaba mutu mwa bupilo bwa mina. Kana mwa lumela kuli ki Niti? Kana mwa lumela kuli hakuna keleke kamba kopano ye kona ku lemuhiva fa Pila Mulimu? Kana mwa lumela cwalo? Hakuna nihaiba iliñwi. Ki bani fela baba pepilwe ku Jesu Kreste, ba ba amuhela Libizo la Hae! Yeo ki niti.

²²⁰ Unga Libizo la Hae ha u so pepilwe mwani, isiñi ka kolobezo ya mezi. Ni ha ne u ka kolobezwa ka Libizo la Hae, kono seo ha si lwali ka Libizo la Hae. U nga Libizo la Hae ka kupepwa, isiñi ka mezi. Mwabona, mu kolobelizwe ka Libizo la Jesu Kreste, eeni, sha, mwa kutwano; kono mu kolobelizwe ka Moya o Kenile, ku Jesu Kreste. Kona kuli mwakona ku kolobezwa linako ze mwanda, kaufela mo batela kukolobelezwa, ka nzila yeñwi kaufela, ha ku koni kuba shutano. Kono cwale ha u kolobelizwe hañwi ka Moya o Kenile, mwa Mubili wa Kreste, u ba mwana wa mushimani kamba wa musizana wa Mulimu, mi, “Linzwi kaufela ki la niti!” Mi, he, Na ezize cwalo ka mulelo woo.

²²¹ Sina hane Ni bulezi zazi leliñwi, Mulimu ha na zamaile ni ku tisa lizazi fa lifasi, Na ziba likota za nzalu zalu ni lika kaufela ze neli mwatasi a mubu wani. Yena . . . Nelili siemba sa lifasi ka nako yani, kona mo ne muinezi mina.

²²² Mi ha Na zusize Mwana Mulimu, la Zuhu kakusasana, ni kuluma Moya o Kenile, neli ku fa mata a pilisa, hape, yona peu ya Bupilo Bobusafeli yani, kuli Na zibile kale ku si kaba kale mutomo wa lifasi, kuli ze li kaba cwana. Na zibile kuli maikulofoni ye ika eza mo i ezelize manzibwana cwana. Na ziba kuli mu ka ba ni mubonelo wa lika o mu nani. Yena ha palelwii. Hamukoni ku nahana ka ngana ya mina, mu lukela fela ku i amuhela. Kono, mutuhele ni bulele nto iliñwi ye, yena Mulimu yaswana yani uyemi mo, musihali wo, mwa sicaba sa Hae.

²²³ Kamba u wa Methodist, Baptist, Pentekota, kaufela so kona kuba sona, usike wa sepa mwa kopano yeñwi. Kakuli, ha bakoni kuba kopano . . . I ezizwe ka lituto zeñata ze shutana. I bupilwe

ka siñ-... Una ni kuba mutu unosi, ku Mulimu. Una ni kuba mutu unosi. Mulimu utalimana ni wena, isiñi mwa keleke ya hao. U lukela kupila bupilo bwa mufuta o munde mwa keleke ya henu kamba kopano ko u lapela, u lukela kupila bupilo bwa mufuta bo lukela kupila bwani. Kono mwa bona, ba amuhela lituto za litumelo, ni zeñwi cwalo, kuli mane hamukoni nihaiba kukena mwa minyako ya bona haiba ha mu lumeli cwalo. Kona kuli Mulimu ukona kutaha cwani mwateni, kanti Linzwi la Hae ka tundamo la iponahaza?

²²⁴ Kana Luther na zibile cwani ka za kolobezo ni—ni ku kutisezwa kwa Moya, linako za na pila mwa lizazi lani? Simela ne si si ka hula cwalo. Mane nihaiba Wesley na si ka li ziba. Mi ni yona Mapentekota ha i zibi ze ezahala kacenu. Ki nto yeswana, ye hula kuzwa ku mina. Yeo ki niti. Ibile cwalo mwa lusika kaufela, mi kamita ikana iba cwalo.

²²⁵ Mi Na kona kubonisa, ka Bibele, lo ki lusika lwa buloto. Muhupule, kasamulaho wa ancafazo yetuna ye... Hakusikaba kale kopano yeñwi yezwelezi mwa Pentekota. Ha kukoni kuba zecwalo. I zwile mwa sikapi kutaha kwa buloto, mi hakuna nto isili hape kwanda buloto. Leo kona libaka. Myaha ye fifitini... Hañata, ibanga fela myaha yemilau, mi kipeto ku ba ni kopano ya ancafazo ifi kaufela. Mubuze wa litaba za kale kaufela. Kono hakuna kopano mwa mulaho wa Se. Ba likile kuzusa Pula ya lizazi la Maungulo, kono mubonni se si ezahalile ku yona. Ha ikoni. Ki buloto cwale. Eeni, sha. Hakusana lishimbelo nihanyinyani. Seli bubeke bwa niti. Kreste u mwahala sicaba sa Hae. Kana mwa lumela cwalo?

²²⁶ Ha lu kaleleñi *fa*, fa bulilo bwa kwatasi. Hanikoni ku kalela mwahali mwani, ka kubona kuli kuna ni babañata ba mina. Ki babakai baba ni lumela kuba mutanga Hae? Mube ni tumelo ku Mulimu! Ki babakai *mo* baba lumela cwalo ka nzila yeswana, muli, “Na lumela ka pilu yaka kaufela”? Cwale Mulena Mulimu a lumeleze taba ye ku luna, kuli mukone kubona mata atisa kwa bupilo. Ki nto yeñwi, yeli bupaki bo bu butokwa, bo bu paka cwalo.

²²⁷ Eeni, mutu wa kona kubulela kuli, “Oh, *se* ki Sani, *se, sani*.” Kono ha si be ni kezo.

²²⁸ Cwale, ha ku konahali kuli ni zibe taba yeñwi ka mina. Mwa ziba cwalo. Ha ni zibi konji fela mutu alimuñwi, ye Ni talimezi, mi yani ki Revurendi Blair yainzi fani, kuzwa kwa neku la upa, Na lumela ki Arkansas kamba kokuñwi kwa mulaho kwani. Yani ki yena fela anosi mwahala sicaba, yo Ni bona kuli Na mu ziba. Mi Mulimu uziba kuli yeo ki niti. Kacwalo ilukela kuba nto yeñwi yakuli...

²²⁹ Ni bona fela zeo kulo fa, kalibe yomunyinyani yo yainzi kwa mafelelezo kwani, una ni butata bwa moyo bo sweli kulapelela.

Kana u lumela kuli Mulimu uka otolola butata bwa moyo bwani ku wena, ni ku bu kondisa? Ku lukile, wakona kuba ni zona.

²³⁰ Beya lizoho la hao ku kalibe yomuñwi yainzi ku wena, kakuli una ni butata bwa mwa mba bwa sweli ku lapelela, ni yena. Eehe. Ki niti yeo, kezel? Nanula mazoho a hao mwahalimu haiba ki niti. Ha ni ku zibi, nali kuba ni ku bone fateni mwa bupilo bwaka. Basizana bababeli baba nsu.

²³¹ Cwale, ki sikamañi seo? Kana zeo ha ki zona fela za Na bulezi kuli kona mwa Na ka ezeza? Ona cwalo fela.

²³² Ki yo fa kalibe yainezi fa, yasweli kutilimafafasi fa; yainzi, asweli ku ni talimela. Una ni butata bwa pilu. Kana u lumela kuli Mulimu uka folisa butata bwa pilu? No inzi fani inge u lapela, “Ni lakaza kuli kambe Ne ni ka fita kwani.” Ki niti yeo nji? Nyanganyisa lizoho la hao sina *cwana*, ki niti. Ne Ni ka ziba cwani so no bulela mwa tapelo ya hao?

Mwabona, ulumele fela. Kona fela zo lukela kueza, ki kulumela.

²³³ Fa kuinzi kalibe ona fa ya ka shwa ona fa haiba ha foliswi. Una ni kansa. Kana u lumela kuli Mulimu uka folisa kansa? Eehe. Wa lumela cwalo? Wena, kakuli no liyeha ku nanula lizoho la hao, kana wa lumela kuli Mulimu wakona ku ni bulelela yo uli yena? Ma. Gunn. Cwale, haiba yeo ki niti, nyanganyisa lizoho la hao sina *cwana*, mwabona. Ku lukile. Zamaya kwa ndu, Jesu Kreste uka folisa.

“Haiba u kona ku lumela, lika kaufela za konahala.”

²³⁴ Sani si natile kalibe yainzi fani ya tinile kuwani yensu, inza ni talimela. Ni yena una ni kansa. Kana u lumela kuli Mulimu uka ku folisa? Kana u lumela ka pilu ya hao kaufela? Ni ambola ni musala Bo. Miller. Kana wa lumela cwalo? Ha ni muzibi musali yani, nali kuba ni mubone fateni mwa bupilo bwaka, mi Mulimu mwa Lihalimu uziba kuli yeo ki niti. Amen.

“Haiba u kona kulumela!”

²³⁵ Ki yo fa musali yomunsu yainezi kwa mafelelezo kwanu, u inamisize toho ya hae fasasi. Na sweli kubala, u sweli kubala ka za mulatiwa wa hae, ki mutu yasweli kulapelela. U tile, mane, ku to lapela . . . kuli ato lapelelwa. Batili ha yo mo, ki muuna hae. Yeo ki niti. Musali . . . Muuna wateni ha yo mo. U kwa ndu. Ubile ni kupazuliwa, nji cwani? Yeo ki niti. Na katazeha ka butata bwa libelenge, ni zeñwi cwalo. Yeo ki niti, nji cwani? Ukaba fela hande. Tumelo ya hao neina ni mata a yona. Kana u lumela kuli yeo ki niti? Amen.

²³⁶ Kikuli hamuboni kuli Jesu Kreste ki ya swana maabani, kacenu, ni kuyakuile? Mubuze sicaba seo. Li ile mwahala sicaba kaufela. Kikuli mu lumela kuli Utensi mo? Kana mwa ikutwa kuli mata atisa kwa bupilo ani a ku mina? Kihande, yani ki Mulimu ya mi folisa, balikani. Kana mwa lumela?

²³⁷ Cwale kikuli mu ka ni ezeza nto iliñwi? Kakuli, ki ba bakai mwahali mo baba kula, ha lu boneñi munanule mazoho a mina. Cwale seli bukaufi ni faifi kiloko. Mubeye mazoho a mina ku mutu ni mutu, mi fela halu . . . Musike mwa bulela linzwi cwale, mubeye fela mazoho ku mutu ni mutu—mutu ni mutu. Ni bata kuli mueze nto yeñwi.

²³⁸ Kuli, muuna ya inzi kwa mulaho kwanu, una ni sikoto sani mwa mukokoto wa hae. Kana u lumela kuli Mulimu uka zusa sitombo sani mwa mukokoto wa hao, sha? Kana u lumela kuli Mulimu uka ku folisa? Mucaha yomunyinyani, yasweli ku ni talima, mi na hupula kuli na ka fita. Nanula lizoho la hao mwahalimu, sha. Yeo ki niti. U lumele ka pilu ya hao kaufela, Mulimu uka ku zwisa sona.

²³⁹ Haleluya! Ni kolisa nyangela ye kaufela, ka Libizo la Jesu Kreste! Haiba mwa kona, haiba . . . Lizwalo la mina, musike mwa lumeleza kuli li sinyiwe ka kusa lumela, musike mwa tuhela kuli li shimbuluke. Kikuli hamuboni Mwana mutu, yena Mwana mutu mwa mufuta wa Liñusa la sipolofita, ya kuta hape mwa Keleke ya Hae, mwa sipolofita, kupatulula Jesu Kreste yaswana maabani, kacenu, ni kuyakuile? Ha li si ka ezahala kale mwahala lusika, haisi kufitela ka nako ye. Mwabona? Ki yeo ponahazo ya teni.

²⁴⁰ Keleke ki sikamañi? Kana mukena cwani ku Yona? Ha mu se mukeni mwateñi, lika kaufela zeo Jesu Kreste nali zona, uba zona, mane neba kuba mwana wa mushimani ni wa musizana wa Mulimu. Na tiloba wena kuli ukone kuba Yena.

²⁴¹ Taba yateni ki kuli, wa saba kuitusisa yona, kamba mwendi hamuna swaliso ni Linzwi la Hae. Cwale, zeo halina kueza bunde ni hanyinyani, mi Ha—Ha nina taba ka so eza. Haiba ha u tahi ka kutala mwa Linzwi lani, halina kubeleka. Ki mañi yakona ku ni tameleza litaba A bulela ni ku sepisa mwa lizazi le, ze ne si ka ezahala? Konakuli musike mwa nepela kopano ya mina ku na, kakuli ha ina ku beleka.

²⁴² Haleluya! Na ikutwa cwalo, Ni ziba Uteñi mo. Ni sepa kuli Uteñi mo. Ni ziba kuli cwale kuna ni mata atisa kwa bupilo mwa Keleke ku to folisa mutu kaufela yaliteni mo. Kana mwa lumela cwalo? Kihande, kanti, mu ka lumela?

²⁴³ Kana mwa lumela mwa kulapelela bakuli? Kana mwa lumela kuli Jesu naize, “Ha ba ka beya mazoho fa bakuli, mi bao ba ka foliswa”? Ku lukile, amu beye mazoho amina ku mañi ni mañi cwale. Usike wa itapelela. Lapelela mutu ya tatama. Wa ku lapelela ni yena. Cwale ka kukuza ni ka likute.

²⁴⁴ Mulena, mo Ni itumela ku Wena, ka kuyema fa katafa ni—ni ku kutaza Linzwi leli shutana hahulu kwa munahano wa sicaba kacenu, kufitela hane ba ka Li biza kuli “butanya,” neba ka Li biza kuli “bulapeli bwa milimu,” neba ka Li biza kuli “mioya yemaswe,” sina mo ne ba ezelize, fani habali,

“Baalezebubi.” Kono ku Ku bona mwahala sicaba sesinde se, musihali cwana wo, kufetuha ni kupaka ka kubonisa hande ze kutalizwe, kuli Ki yona Niti.

²⁴⁵ Mulimu, se ki sicaba sa Hao. Ki—ki diabulosi ya likile kulyanganisa ma maikulofoni, ulikile ku lyanganisa mihupulo ya sicaba, ulikile ku ba hanisa ku utwa Se. Kono Ni lumela kuli ba ka Li amuhela, nihakuli cwalo, Mulena. Ni ba kupela kuli ba Li amuhele. Ni ba kupela kuli ba Li amuhele. Lumeleza, Mulena, balmeli baa, ka mata a pilisa, kuli ha ba...haiba ha ba pili kuisa kwa kubona Kutaha kwa Hao, kuli mata atisa kwa bupilo ani aka ba zusa ka lizazi la mafelelezo.

²⁴⁶ Lumeleza ona fa cwale kuli mata afa bupilo ani afe mata kwa tumelo ya bona, Mulena, ku se ba eza. Kuna ni mulumeli ya beile mazoho ku mulumeli, mubili fa mubili, mata fa mata. Mi ki mata a Mulimu, ka mwana mushimani wa Mulimu kamba mwana musizana wa Mulimu, ka kufitela ku Mwana Mulimu. O Mulimu, mi Satani a tamulule sicaba se! Ha ba foliswe musihali wo, ka ku zuha, ni ka mata atisa kwa bupilo a Pata ye zibahala, ya Jesu Kreste. Ka Libizo la Jesu Kreste, ha kube cwalo!

²⁴⁷ Mazoho a mina fa batu ana ni mata a fa bupilo ku bona, haiba mu filwe mata a pilisa. Kana mutile kwa Bupilo? Kana Kreste ubile wa niti ku mina? Kana mata a Mulimu a bonahalile? Kana muinzi mwa Keleke yani, Keleke ya Mulimu ye lukisizwe? Mu kena cwani ku Yona, kana muziba cwani kuli mu filwe mata a pilisa ku Yona? Milelo ya hao kaufela, buino bwa hao kaufela, bu ku Kreste cwale. Mi Kreste u mwa sicaba, unza iponahaza kuli Wa pila, ku bonisa kuli Utensi mwa mazazi a Sodoma cwana.

²⁴⁸ Ni mazoho a sicaba sani, kuli bupilo bwa bona bu cincizwe kuzwa kwa baitamaeli mwa mikwakwa, kuzwa kwa macakolwa, kuzwa kwa mahule fa mikwakwa, kutaha ku baba kenile ba niti ba Mulimu, baba filwe mata. Mazoho a bona abeilwe ku wena. Ba inzi mwa Keleke, ka kolobezo ya Moya o Kenile, mata aswana na li fahalimwa masapo a Elia. Ona mata aswana ani abeilwe fa liheta la hao, fa mazoho a hao, fa litoho za mina, ona mata aswana afa bupilo ani; ni Yena inza yemi fa inza bonisa kuli Wa pila ka kuzuha kwa bafu, inza iponahaza Iliyena kuli Wa pila, fa cwale ka kueza lika zeswana za Na ezize ni kubonisa kuli Ki yona Niti. Amen!

²⁴⁹ Kana mwa Mu lumela cwale? Kana u lumela kuli mazoho a beilwe ku wena ao ki mazoho a bumulimu, kana wa lumela kuli Moya wani o fa bupilo u ku luna cwale, ku lueza kuba baba lyanganis mwa lifasi, kana mwa lumela kuli ani kona mata a Hae afa bupilo? Kana u lumela kuli u mwa Keleke ya Hae? Mi, haiba u cwalo, ni kulumela kuli mazoho ao a beilwe ku wena a kenile, a laelwa ki Mulimu; konakuli Na mi laela, ka Libizo la Jesu Kreste, ku yema ka mahutu ni kuamuhela foliso ya mina, mañi ni mañi yabile akula.

Oh, Mukreste, wa ziba se si ezahalile?

²⁵⁰ Kana mwa lemuha, kwande mwa mikwakwa yani kuli kuna ni ma milioni a batu baba zamaya mwa mikwakwa ye, kacenu, ba ba si sika mwa lifasi kwanda musili wa atomic? Kana mwa ziba kuli batu bani ba shwile mwa sibi ni mwa bumaswe, mi bapila mwa bunsu; mwa likeleke kaufela, ka lituto nyana fela ze likani kamba nto isili fela ye cwalo, ni ku libiza kuli ki bulapeli?

²⁵¹ Kana mu lemuhile kuli mu zusizwe mwa lifu kukena mwa Bupilo, mi mu kolobelizwe mwa Mubili wa Mulimu ya pila ya pilisize mibili ya mina, mo ku na ni kubulela ka malimi ni kutoloka malimi, kubona Jesu Kreste ha iponahaza mwahala luna? Kiñi, butuku ne bu sa koni kuyema mwa sikwata se si cwalo se. Tuhela tumelo ya hao i libe ku Yena, u Mu lumele! Uli, “Mulena Mulimu, Ni lumela ka pilu yaka kaufela,” mi uka ba hande.

²⁵² Kana kuna ni baezalibi mo baba tabela kutaha mwa Mubili wani? Munanule mazoho, ni kubulela kuli, “Nali kuba ni tahe ku Zona, Nali kuba ni tazwe ka Moya o Kenile, kono, Muzwale Branham, Na I lakaza luli musihali wo. Kana uka ni lapelela kwateni?” Munanule mazoho a mina. Musike mwa swaba, muinzi fa Pila Hae. Mutualime fela mazoho! Mutualime mazoho!

²⁵³ Cwale mutu kaufela ya bata kolobezo ya Moya o Kenile, nanula mazoho a hao, kaufela fo inezi, ba U bata kaufela.

²⁵⁴ Cwale mina babana ni Moya o Kenile, baba yemi bukaufi ni bona, a mu ba beye mazoho a mina a kenile, kuba kambeka mazoho. “Haiba Moya o Kenile, ono zusize Jesu kwa bafu, uina ku mina, u ka fa mata kwa mibili ya mina ye shwa, kuzwa kwa lifu kutaha kwa Bupilo.” U tisa mubili kaufela mwa ku utwela za Moya. Cwale ha lu inamiseñi litoho za luna, mi mañi ni mañi alapelele mutu ya bata kolobezo ya Moya o Kenile yoo. Mi Ni lumela kuli Mulimu u ka taza mañi ni mañi wa mina, ona fa cwale, ka Moya o Kenile.

²⁵⁵ Ki kabakalañi ha lu libelela, balikani? Mu ka libelela nako yetelele hahulu, leliñwi la mazazi aa. Ye kona hola. Usike wa libelela ni hanyinyani. U inzi ona mwa tempele mo ko ukona kuina busihu kaufela inge ulapela.

²⁵⁶ Mulimu Yomunde, Ni lapela kuli U lume Moya o Kenile hape, inge moyo o mata wa liñungwa lelituna, utaze ndu kaufela, kasamulaho wa zibahazo ye petehile ye mo, musihali cwana, kuli Wa pila ni sicaba. Ka Libizo la Jesu Kreste. Amen.



SIBAKA SA LUKISIZE MULIMU SA KULAPELELA LOZ65-0425
(God's Provided Place Of Worship)

Liñusa le ka Muzwale William Marrion Branham, neli katalizwe lwa pili mwa Sikuwa Lasunda musihali, Lungu 25, 1965, mwa mukopano wa ba Full Gospel Business Men's Fellowship International ili fa Embassy Hotel mwa Los Angeles, California, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org